


1 史 228.2

574.2 1.4379

部 = 177

~~史 222~~

~~1.674~~



續資治通鑑長編卷三百二十五

宋 李壽 撰

神宗

元豐六年五月丙子御文德殿于闐貢方物見於
延和殿上問曰離本國幾何時曰四年在道幾何時曰
二年經涉何國曰道經頭回紇草頭達勒董戩等國
又問留董戩幾何時曰一年問達勒有無頭領部落曰
以之草葉故經由其皆散居也上顧謂樞密都承旨
張誠三曰河西天德為鄰今河西天德隔
在北嘗與夏國戰者豈此達勒乎曰達勒與李氏世讐也又
問道由諸國有無抄略曰惟懼契丹耳又問所經由去

詔失忌

日六曹諸司不為假執政官早出諸官司不得隨出

詔京東轉運副使吳居厚所奉新法賣鹽錢三十六萬

餘緡合運至北京左藏庫封樁自今歲具數以聞初朝

廷恐居厚所奏賣鹽錢多立虛數上欲驗其實故有是

詔六月一日六涇原路經略司言第五將申熙甯寨

硝坑堡巡檢王世隆追賊於水東口戰死弓箭手十將

王和等十四人各傷中詔世隆擅領兵過壕又不能策

知伏兵致傷折人眾如其生全朝廷必加重責可更不

推恩其輕重傷人依格陣亡人依陣亡不勝例 詔改

加上仁宗英宗皇帝尊諡為奉上天徽號令三省官與太

常寺官詳定

丁丑詔熙河路經制司案未用兵已前每歲經畫到財

利各有定額兼創司之始主管之人並各已曾用所得

課息等第推賞訖自元豐四年之後每年並不見本司

於歲末具到上件所入增虧并見在銷破數目未知因

依可下本司火急分析聞奏此據御集要考見

戊寅提舉陝西買馬司言階州增茶價恐蕃部馬不至

乞量增馬價詔止依舊價如蕃部不願請茶並支錢帛

六月二日廣南西路轉運司言宜藤融州產白錫黑鉛

可於梧州置鑄錢監以十五萬緡為額所出息錢即乞

還見欠內藏庫及積欠上供錢七十萬緡候還足並封

樁以應軍需詔廣西財利久苦窘乏近歲軍興尤覺不

支可依所奏

已卯詔于闐人首領畫到達鞞諸國距漢境遠近圖降
付李憲以嘗有朝旨委憲遣人假道董戩使達鞞故也
禮部言經有大裘而無其制近世所爲惟梁隋唐爲
可考請緣隋制以黑羔皮爲裘黑繒爲領袖及裏緣袂
廣可運肘長可蔽膝謹案皇侃說祭服之下有袍繭袍
繭之下有中衣服朝服裼衣之下有裘裘之下有中衣
然則今之親郊中單當在大裘之下其袂之廣狹衣之
長短皆當如裘伏乞改製從之 詔加贈皇城使宋玠
英州刺史以其子滋言玠有收復石堡城功未賞而死
故也 舒州防禦使克敦進父保靜軍節度使蕭國公
承幹文集十卷詔承幹父子世以藝文儒學名於宗藩
在朝廷旌善與能之義宜有褒寵可加贈安定郡王克

敦仍降獎諭

辛巳詔前兩浙路監司蘇獬胡宗師朱明之各罰銅二
十斤坐不舉發知秀州吳安世贓罪故也 詔供奉官

郭惟賢部九十騎獲首級五十六身重傷及先鋒破賊

左藏庫副使高永翼部五十二騎獲首級一百二各遷

五官餘遷官賜絹有差賞從訾虎部兵出界功也又詔

高永翼止遷兩官爲皇城使貴州刺史餘三資許回授

五服內親 陝西轉運副使范純粹乞令提點刑獄胡

宋回等不須躬親照管西人頓遞詔撫接西人朝廷自

有常體經歷官司供億或過不及皆當治罪純粹昨以

張皇輕易已嘗誠敕今此奏陳蓋欲掩覆前過自今宜

凡事審重務令合宜勿生邊事 四月二十九日

純粹云云可考

壬午單州團練副使員外郎東方戒上飛虎立成陣圖
步人制戎騎法乞面陳利害詔樞密院召問之給事
中韓忠彥等言奉議郎郊直除太僕寺丞案直方以不
職下本道劾罪而便與職事官之選理若未然上批郊
直差除之日本房亦當檢會近降取勘指揮呈白執政
將上今數日之間褒貶異論甚失國體其除太僕丞指
揮可更不施行

癸未詔聞鄜延路新支綱馬分配諸軍頗有新兵未堪
出戰例得善馬其有武藝舊人往往闕馬甚非朝廷本
意委劉昌祚案驗有實即與配改仍其數以聞國子
司業朱服言養士莫盛於太學而士鮮能知射今武學
教場隸本監欲聽學生每遇假日習射從之夔州路

轉運司言萬州鐵礦甚多乞創錢監歲可收淨利三萬
二千緡應副本路從之

甲申分命輔臣祈雨禮部狀太常寺修定郊禮歲夏
至皇帝親祭皇地祇於北郊方丘及上公攝事儀詔依
親祠北郊儀盡如南郊其上公攝事惟改樂舞名及不
備官其俎豆樂縣圭幣之數史官奉祝册盡如親祠元祐

五年五月十八日六月十日
二月七年三月十八日
寺繫囚令連夜併力結竟奏案上者都省限三日約法

斷下舊紀書甲申詔大暑開封大理獄其趣決

丙戌詔祠部具去歲給度僧牒比元豐四年孰為多少
已而祠部以年數比較其多五千七百餘道於是又詔
自今給度僧牒如過每年數目即未得印給先具以聞

御史黃降等言往時御史皆得言事仍同定奪公事
惟被詔推獄則輪差向由復置察按而御史六員分領
六案故因推勘太學公事有旨令中丞同本察御史根
治今後準此後既分三員言事三員領察而本臺失於
申明尚守前日指揮亦止本察御史根治故言事御史
自此不預鞫獄案唐六典侍御史糾舉百僚推鞫獄訟
監察御史分察尚書六司糾其過失今之言事官大率
如唐侍御史之職察官乃唐監察御史之職國朝舊制
有四推之名總謂之後推而三院御史皆預領焉今推
鞫獄事獨付察官而近準朝旨又以六曹定奪公事亦
送本案卽於檢察職事有所妨廢況有失察諸司違慢
朝廷常加督責兼言事御史既不預定奪又不劾獄則

於簽書行遣公事全然稀少欲乞別定條制以正分守
詔立法以聞已而尚書省劄子令定奪文字送本曹如
合再定卽送御史臺本察降又言事之最難者莫如疑
獄夫以州郡不能決而付之大理大理不能決而付刑
部刑部不能決而後付之御史臺則非甚疑獄必不至
付臺再定若御史聯事之眾非如大理刑部必不能勝
其責也近有旨定奪文字送本曹如合再定卽送本察
臣愚以謂與奪刑名事重體大宜仍舊眾官參定餘事
則隨曹付察如此則大小繁簡皆得其稱是正疑讞罕
有不當其後刑部請鞫獄言事御史輪治其定奪刑名
則眾官參定餘事隨曹察從之 河東路經略司言知
府州折克行招納西界偽鈐轄香布通說事宜并兵馬

數已合香布選擇信實人入西界招諭近上頭首歸投
去訖詔香布所說兵馬數多與諸處探報不同觀其意
趣蔽護夏國之寡弱今雖內向遣歸府州令使人招呼
賊界頭首慮亦未是忠白卻致傳泄邊界事委王居卿
更詳度令郭忠紹密竊防之

丁亥詔宗女毋得與嘗娶人結婚再適者不用此法

詔降配禁軍營雜役卒在京可輪月刺配先殿前次馬
軍次步軍司周而復始 詔臣僚恩例陳乞差遣承務

郎以上與減一年大小使臣減一年一季磨勘選人免

試執政官依五年五月內指揮

戊子權提點河北西路刑獄王子淵兼同措置河北糴
便罷提點河北糴便司其糧草並令措置司計置應提

舉糴便司錢鈔別椿管本司當應副糧草處逐年據數

撥與轉運司歲終具數奏以舊係提舉糴便錢撥還

以提點河北西路刑獄王子淵兼同措置更謂之措

西頭供奉官閻門祇候宋明為供備庫副使勾當頭引

見司以逮事先帝藩邸也 詔昨修築蘭州質孤勝如

熨斗平堡子不堪守禦已毀廢其元相度保明官李憲

苗授李浩康識特放罪苗授樂士宣閻仁武所賜敕書

銀絹等並追納二月丁未可考禮部尚書黃履言祀前一日

致齋祠宮自來祠宮以職事相聯遂相往來況省官既

有出謁之禁欲乞雖在祠宮亦不得通謁從之履謁監

祭王桓而不見答故有是奏宋本削去黃履謁王桓事刑部言竊

聞京城諸門或不以時啟閉公私或以廢事欲令新城

門並以日初出入時為準委開封府檢察從之 前知
湖州唐淑問言州郡有當衝要者例修賓客往復間有
不來謗怒隨之常情未免顧私其間或以廢事吏抱案
牘走道路以取決則有漏泄稽滯之失小民持訴牒趨
官府則又未必知長吏所之而訟不時決況中外官守
均有事任臣欲乞州郡禁謁並依在京百司例詔詳定
重修編敕所立法後編敕所乞知州通判縣令非假日
不得出謁即謁親屬及職事相干并泛遣使命或知州
通判提舉官鈐轄以上者聽 西上閣門使果州刺史
謝麟言先準朝旨撥托口小由貫保豐山四寨並若水
倉隸屬誠州沅州與誠州元自梅口為界今因割移
四堡遂以洪江口為界自洪江口至梅口江約三驛又

從托口寨盧陽縣界至梅口江約四驛削取沅州封守
附益誠州太廣不惟沅州戶賦人兵不足以成郡兼誠
州見招約上和潭溪等峒自可以開拓疆封兼結狼九
衙等諸峒並在托口寨西南見隸沅州水陸道皆出托
口寨設或溪峒入寇誠州地遠力不能制沅州又為托
口等所隔難便措置或以生事乞以小由托口兩寨依
舊隸沅州以大由等溪峒割隸誠州從之 麟時知沅州
經制宜州溪
峒見正月三十日七年五月十一日 詔應合移配廣南

荆湖福建江南路罪人並配登州雜役

庚寅以畿內旱御崇政殿疎決繫囚 舊紀書此事于辛
卯新紀依實錄在

戶部言知瓊州劉威相度瓊州昌化萬安朱崖軍

民戶鄉村坊郭第一至第三等每丁逐月鹽一斤第四

民戶鄉村坊郭第一至第三等每丁逐月鹽一斤第四

第五等及客戶僧道童行每丁逐月半斤不以月日為限歲終買足遇有死亾開落進丁收上看詳所配賣鹽數太多欲乞兩等鹽各減半餘依劉威所定從之詔雍王顥曹王顥乞建外邸十餘年中已數十奏雖數以朔望入侍寶慈宮非便諭止之而確然堅請不已皇太后近亦屢以為言且命如其請宜依所乞令學士院降詔宣諭仍令有司度地以聞已而工部言相視城北馬軍教坊可建第從之

辛卯召輔臣觀麥於後苑

詔陝西轉運司聞春秋闕

雨守臣祈禱未應宜更訪名山靈祠委官恭致朝命精意祈禱御史楊畏言中丞舒亶不罷學士院厨錢事大理寺劾百餘日聞奏案已具而卿丞執議不同留章

未決臣竊惟亶所受供給之物皆有文籍宜無諱匿不承之理有司必緣都省彈辭參驗證左經涉時月今宜得其情實豈容復有駁議則是必欲變動獄情而陰懷傳會觀望之意乞垂省察無使留獄以害國體朱本削去

壬辰楚棟隴堡賜名通西寨隸通遠軍

癸巳內殿承制閣門祗候李阿邁為內藏庫副使以隨

李浩出界斬獲首級故也阿邁忠傑子見閏六月丙子詔撥京西

提舉司錢二十五萬緡應副蘭州市糧草范純粹言

今體量得种諤未死以前奏請皆是徐勳裁處勳已放

罷詔張汝賢麥文昞於延州制置司劾勳限十日具案

以聞四月二十日八月二日詔陝西轉運提舉司熙河

蘭會路經制司乘豐熟相度州縣城寨緊慢各限以數

自委官收糴每月逐司各具數以聞

甲午大理寺上大理正杜純妄議客礮事案當不應言

上官減公罪答該疎決詔杜純特追一官勒停將來敘

復永不合典刑獄四月二日御史黃降言準六察敕諸

彈奏文字本察官與丞知雜通簽即舊所領任內事丞

知雜免簽書諸案互察看詳諸案互察止謂察官有舊

領任內事合彈劾於義有嫌理當互送今諸案元未嘗

承受互察妨礙事既不相關無從察舉若一案有失泛

責諸案乃是一官兼有六察之責恐法意本不如此其

大理寺見取索互察官吏姓名未敢供報詔自今諸案

申臺移察應申不申從私坐其互察仍除之左司郎

中吳雍言陝右夏田豐稔自軍興以來倉廩空虛乞民

間欠負並許以糧斛據市價增分數折納詔所增不得

過一分仍候今秋酌度豐熟次第更取旨熙河蘭會

路制置使司言西賊犯蘭州破西關殺管勾左侍禁章

定并擄略和雇運糧于闐人并橐駝詔贈定文思使依

永樂例推恩所擄略于闐人畜合制置司優恤之

乙未詔蘭州展築北城其南城若依舊則城圍太廣難

於守禦若平居多置守兵又耗蠹糧食候展築北城將

畢即廢南城熙河蘭會路經略安撫司乞降空頭宣

三百從之詔涇原路京東第八將梁用副將趙潛各

罰銅二十斤坐部卒常斌指斥乘輿語切害不可錄奏

經略司以聞故也河東路轉運司言昨自軍興以來

費用浩瀚又新收復葭蘆吳堡寨增置官屬及屯兵馬

支費倍多近被旨令用鈔廣謀入糴但本司闕錢支用
乞依常平例接續支降見錢京鈔三十五萬貫依例加
饒庶可召商人入便計置糧草詔宜依年例給未鹽錢
京鈔三十萬緡

丁酉陝西路制置解鹽司言詢訪並邊鹽價長增乞許
本司隨宜增價出賣候邊事甯息裁減從之 鄜延路
經略司言蕃弓箭手副指揮使乙輕斬先走投西界探
事人副兵馬使嚙移首詔乙輕賞絹二十匹遷兩資
戊戌三班借職王恩普等六人差監在京閉慢庫務門
及舊城門西第一第二班蕃敢勇三十六人與茶酒新
班殿侍皆种諤破米脂寨所納降蕃樂人召見奏樂於
崇政殿故也 詔都水監增置丞一員 又詔沅州公

使錢歲以千緡爲額

涇原路經略安撫使司奏乞差

永興軍兵馬鈐轄种診充本路都鈐轄兼第一將並种
診脚色詔种診年齒已高筋力疲曳難當將領差遣令
本路經略司別選官聞奏

密記二十三日事

己亥分命輔臣謝雨

庚子西頭供奉官閤門祇候温杲知融州

詔荆湖南

路轉運司應副造上京甲葉二百七十萬并造廣東甲
葉四十七萬計工料錢三十五萬緡其以封樁闕額禁
軍錢撥還之 鄜延路走馬承受霍丙言永樂川諸將

與賊接戰第二將李浦部人馬出走不策應鬪敵致副
將高世才陷沒今其兄世亮已具論列詔坐走回因依
及安存放罪指揮并高世亮於經略司所陳狀令范純

粹劾實以聞九月十日辛丑詔銓試中上等二人第一人循一資第二人占射差遣中等七十三人不依名次注官下等百七十一人

注官

壬寅右正言王桓言聞大理寺獄官多不親訊囚惟囚初到當官收付終至結案或不復見榜掠詰訊一委吏胥非理陵虐無所告訴聞頃者有丞拷囚致死而長貳以不與獲免自是以來官屬不復親事陛下建長立貳設正陳丞豈欲使之偷脫自便避責不居伏望懲革詔大理寺自今並依條格施行

癸卯賜度僧牒百四十修保大軍城 詔賜資州孝子支漸粟帛漸資陽人熙甯間喪母累年始克葬因廬墓

側日三時號墓時膝行負土培墳初有雙白雀徘徊松上明年有狸一馴墳側觀漸上土又明年夏每行午禮日色炎盛輒有陰雲蔽覆即遇霖雨方負土時亦暫霽又有異鳥一日如丹至漸哭常悲鳴向漸夜有狐狸二呼繞如巡警狀久之有羣鳥集內一鳥白獨日至漸培墳處回旋後有五色雀萬餘隨漸行哭七日而去是時漸已年七十每號慟涕淚如雨日惟食脫粟飯不盥手濯足所衣苴麻至爛碎鬢髮亦皆斷亂見者為之惻楚其居鄰勾氏子自娶妻即棄其親不養觀漸至行因夫婦感慟即日迎其親還舍朝夕視膳不少懈州縣上其事以為漸精誠格物諸祥屢至變其里俗乞旌賞之故有是命是月夏人寇麟州知州訾虎敗之新紀有此蓋因六月辛亥河東經略司奏也舊紀乃係之六

月辛

六月乙巳朔詔御史臺六察案各置御史一員新紀書此舊紀

無太常寺言四后陞祔欲準慶厯五年孟冬章獻明

肅章懿二后陞祔禮畢遍饗太廟止行陞祔饗禮及祭

七祀權罷孟冬薦饗又禮部言四后陞祔太廟祔室欲

以配繼先後為序詔並恭依閏六月三日丁丑詔京

東路轉運副使吳居厚具所知通判以上及別路鹽司

提舉官可充本路轉運司官協力推行鹽法者及本路

行鹽法當選委知州通判以聞五月一日戶部言元豐三

年諸路管勾官無優等止有劣等三人萊州通判郭槩

權濠州團練判官王舜臣鎮戎軍判官趙至詔並降一

任

丁未知宣州陳侗乞沿江湖州軍各置水軍三五百人

以巡檢主之教以水戰當責巡捕詔應已招置士兵巡

檢地分如有江河海道令申所屬具舟教戰詔邵州

芙蓉石驛等團峒歸明蠻頭首等與補名目人數並依

熙甯九年招納三州一鎮蠻例禮部言祠部給度僧

牒準詔及遞年數即止案元豐三年六千三百九十六

四年四千一百九十六五年九年八百九十七今取酌

中之數欲以三年為額從之大理寺言河東轉運司

上部夫官逃死三分五分以上各該德音原免然以屬

軍制乞更取旨裁斷詔絳縣王君陳等八人各罰銅三

十斤殿直張整等十人各二十斤供奉官焦清等十三

人各十斤借職胡爽八斤

戊申詔集議大典禮令祕書省長貳預議 尙書左司

言戶部被旨已差使臣劉從正吳祐為主事其元奏乃

不言見有權主事劉質等而妄作見闕今質未該出職

而又遽授以班行皆為失當詔尙書安燾罰銅十斤侍

郎陳安石八斤郎中金部晁端彥倉部韓正彥度支陳

向六斤劉從正吳祐並依舊劉質梁士永與出職依年

月展磨勘 戶部言乳香民間所用乞依舊條給長引

許商販其諸路賣官香亦用舊法從之 廣南西路經

略使熊本言知宜州和斌通判黃陶相度宜州思恩天

河河池龍水等縣所管土丁七千餘人遇有賊盜緩急

可以追呼兼普義德謹思立鎮甯四寨控制蠻賊所出

入路欲令所屬縣編排土丁分作都分除逐隘舊防托

土丁外各增三十人其非防托者遇有盜入省地並許

緣邊縣及州追呼遣人部領會合捕殺又言已差提舉

左江都巡檢供奉官閣門祇候成卓及監填乃金坑朝

奉郎鄧闕同至永平寨約安南定地界依詔以計議辦

正疆至所為名並從之七年八月辛亥八月二日乙亥

路成功八月七日權發遣鄜延經略司劉昌祚言禁軍

逃囚詐為廂軍投換或卻投禁軍捕獲或因事敗露乞

依本軍法從之又乞自今諸軍逃囚事故其所遺鞍馬

許有馬與闕馬人比較武藝內優者與善馬及監牧司

所給新馬亦準此從之仍下陝西河東路後昌祚又言

案試諸將下新招簡及投換馬軍各請綱馬人數內有

將下新招士兵十一人武藝劣等已改給與本將下有

武藝關馬舊人詔以武藝劣等者名下馬通一路簡試
 有武藝人改給又詔昌祚詳度每十匹以七匹改給武
 藝高強人三匹給第二等武藝上名 誠州團練使提
 舉崇福宮李評卒以大長公主孫特贈易州觀察使賜
 銀千兩評少頗涉書傳嘗以公主遺奏召試學士院改
 殿中丞評意不滿辭之後二年再召試復止遷一官評
 愈不悅至上書辨論前後言事甚多或見施行然天資
 刻薄在閣門樞密院招權不忌多布耳目采聽外事自
 效以為忠僥倖大用中外側目及卒人無憐者 制置
 發運司言本司元豐二年被旨賜糴本以一百萬緡為
 率至今截撥未足況每年總般江淮荆浙六路上供年
 額六百二十萬石逐路出限不到萬數甚多全賴糴本

錢乘時和糴起發上供應辦年計令淮南催促錢帛所
 牒會問數日本司以無聖旨難準議供報然恐其別有
 申陳詔糴本錢係朝廷特賜今不得一例起發 熙河
 蘭會路經略安撫制置使司言據同總領熙州蕃兵將
 王贍狀父君萬因孫迴言張穆之違法結糴為父
 尚欠六萬餘貫計算折會外計錢二萬三千餘貫贍曾
 於元豐四年五月內登聞院進狀乞將經制司功利與
 子轉一官及遺表特與二人恩澤折除上件見欠錢蒙
 中書判狀不行贍自軍興以來累立戰功實為出眾所
 欠錢物無從可得伏望俯矜君萬開拓戰功及贍今來
 累立勞效將其家業正行估納入官上批宜檢會元豐
 四年五月內王贍再進狀陳乞事理特依所乞施行據

請也君萬卒在三年五月三日為之
 己酉詔通直郎試御史中丞權直學士院舒亶免除名
 止追兩官勒停奉議郎守監察御史頓起衝替係事理
 重御史臺太府寺官吏以疏決釋之初亶不曉法意誤
 謂當別置錄日因言尚書省不置錄日不奉法尚書省
 辦論既明亶猶固執他日上諭都省令取亶臺中所置
 錄日必無之亶果不置仍以他簿書增寫錄日字與寮
 屬書押送都省坐此被劾又學士院公使時悉罷而亶
 輒以本院厨錢自給復坐計贓杖九十兩案具奏上諭
 近臣曰亶學士院自盜贓罪情至輕而法重其詐為錄
 日乃法輕情重身為中丞詐妄如此不可恕也於是詔
 亶歷任職事官及知制誥並不為官宜追寄祿兩官故

有是命起以附阿亶言錄日事不實故亦黜之

學士草制月給油燭承故例取之
 用事當考舊紀書中丞舒亶既建臺諫官頗言中書省
 案畫不作王安禮行狀云舒亶為御史中書省
 至有雄才而內實閣不曉政事數為御史中書省
 然見者側目而實閣不曉政事數為御史中書省
 官喜為虛語以謂籠士大夫者意乃疏言事以明
 禮發安禮者謂籠士大夫者意乃疏言事以明
 而為疑詞者亶又言尚書省不置錄日付法旨臣豈
 安禮曰尚書省不置錄日付法旨臣豈
 目乎亶曰尚書省不置錄日付法旨臣豈
 得御史臺錄日付法旨臣豈
 同御史臺錄日付法旨臣豈
 彈其並劾其直學士院目昌用公使物有禮知乃安
 法重注錄日則安禮學士院目昌用公使物有禮知乃安
 位又禮曰臣觀陛下微事時輕願重臣一而伸伸如
 也安禮曰臣觀陛下微事時輕願重臣一而伸伸如
 執政而禮曰臣觀陛下微事時輕願重臣一而伸伸如
 所法雖百屈百伸者故安禮也上臣疑臣下等視太
 如法于時多右亶者故安禮也上臣疑臣下等視太
 有是命起以附阿亶言錄日事不實故亦黜之
 學士草制月給油燭承故例取之
 用事當考舊紀書中丞舒亶既建臺諫官頗言中書省
 案畫不作王安禮行狀云舒亶為御史中書省
 至有雄才而內實閣不曉政事數為御史中書省
 然見者側目而實閣不曉政事數為御史中書省
 官喜為虛語以謂籠士大夫者意乃疏言事以明
 禮發安禮者謂籠士大夫者意乃疏言事以明
 而為疑詞者亶又言尚書省不置錄日付法旨臣豈
 安禮曰尚書省不置錄日付法旨臣豈
 目乎亶曰尚書省不置錄日付法旨臣豈
 得御史臺錄日付法旨臣豈
 同御史臺錄日付法旨臣豈
 彈其並劾其直學士院目昌用公使物有禮知乃安
 法重注錄日則安禮學士院目昌用公使物有禮知乃安
 位又禮曰臣觀陛下微事時輕願重臣一而伸伸如
 也安禮曰臣觀陛下微事時輕願重臣一而伸伸如
 執政而禮曰臣觀陛下微事時輕願重臣一而伸伸如
 所法雖百屈百伸者故安禮也上臣疑臣下等視太
 如法于時多右亶者故安禮也上臣疑臣下等視太

辛亥詔提舉陝西買馬司更不兼茶場司其博馬茶每

馱減價二千更不撥還許為茶場司課息其買馬司所

用茶價限歲終還足四月戊申可考河東經略司言五月西

賊入麟州神堂寨知州訾虎等領兵出戰有功詔虎自

今毋得輕易出入遇有寇止令裨將出兵掩逐新紀五月書夏

仍人寇麟州知州訾虎敗之舊紀王子朝散郎前權知登州趙偁為京東路轉運判官從

吳居厚薦也或附正淮南轉運提點刑獄司言濠州

定遠縣尉賈棠以體量愚暗不曉事差替自體量後親

捕獲彊竊盜四夥許令滿任除落差替從之

癸丑禮部尚書黃履試御史中丞時大臣有罪罰金履

奏賈誼言遇之以禮則羣臣自喜嬰以廉恥故人矜節

行羣臣且然況大臣乎故罪在可惡黜之可也可恕釋

之可也豈可以罰金而示辱哉時侍郎以下不許獨對

殿上著在甲令履言陛下厲精政治博訪得失雖郡縣

被召官猶令獨對況法從之臣哉請刊此令履此二事據

初拜中丞時御史翟思言事有旨詰所自履諫曰御

史以言為職非有所聞則無以言今乃究其所自來則

人將懲之而臺諫不復有聞矣恐失開言路之意事遂

寢履此亦據詔御史中丞門下中書外省官各舉人材

堪充言事或治察御史五員詔通直郎右正言王桓

罷右正言送尚書吏部宣德郎監察御史翟思楊畏並

放罪桓嘗論舒亶罪不當思與畏亦嘗論列及亶既黜

桓等皆待罪故有是命給事中韓忠彥乞以繪像恩

給事中韓忠彥乞以繪像恩

增差弟粹彥監相州酒稅詔韓琦有功於國非他臣比
特依所乞令吏部自今常授其家子孫一人相州官仍

別推繪像恩

乙卯詔近以炎暑開封府大理寺繫囚已令督責官屬
併力結竟其諸路令刑部指揮提點刑獄司催督檢
校禮部尚書南丹州刺史莫世忍為檢校戶部尚書給
銅牌旗號其子姪九人並賜官勳以經制宜州謝麟言
大軍討安化蠻獠世忍獻木弓百弦二百藥箭五千自
言世為外臣修貢不懈故有是命河東路經略司言
葭蘆寨巡防兵逢賊以眾寡不敵致陷沒未敢依陣不
勝法施行詔陣中人惟將官使臣等分陣勝陣負諸軍
用陣勝例一等推恩涇原路經略司欲以照管修築

故寨堡為軍形誘致賊馬近邊令姚麟等掩擊或伺便

出寨討襲詔塞內誘致賊馬或出塞討擊並委經略使

盧秉便宜施行御集六月十一日指置河北羅便司奏

殿今真定府有客入結攬木椽一十萬餘併已借過

收伏乞朝廷早降指更于甚處竊恐借錢故難便拘

契勘北京見管倉舍廣狹丈尺併確的修蓋御批先令

三日畫圖開奏候到倉今狀進呈取旨按四年六月十一

丙辰廣信軍言北界西南面安撫司累牒問置教場所

因本軍已移牒稱所指處乃村民莊舍昨以兩朝通歡

之意已曲令廢毀然莊舍深在當軍界腹內就使是村

民習射之所築立牆院修置射堞於信誓全非違礙兼

於北朝了無干涉豈煩較辨已而回牒稱自兩朝通好

以來戒約緣邊州軍不得生事端今起築教場練習軍伍有違信誓深為不便請速毀廢及責問生事官吏重加誡斷詔觀其來牒辭理已屈勿更回報時朝廷方經武事增修邊備趨時者爭獻北伐之策呂公著至定州即為上言中國與契丹通好久邊境晏然無事塞上屯軍亦素有節制惟宜靜以鎮之又嘗因走馬承受入都附奏前說既回傳上語諭公著曰邊陲誠無警更須遠斥候廣偵伺以為之防保甲法新行被邊皆設教場日鳴金鼓課人誦戰法聲達於敵境檄邊郡以為生事違誓約上委公著處其事且賜手詔曰近以北界理會團教場已委卿處置聞奏卿可審為酌量務在事體適中外不致張皇堅敵之疑內使州縣公私無繁擾遷徙

傷財之弊且不啟貪寇緣而生事之害乃朝廷意也公著即上奏以為古人之治兵農有疆以周索者有疆以戎索者今遣邊人習戰法於境上尤非宜且非管子寄令之意也請一切罷去專以舊弓箭手法從事不聽河東路轉運司言準朝旨令本司計置糧斛一十萬石於吳堡寨永甯關以備陝西米脂等處支費已依數計置訖卻乞以絳州垣曲縣錢監所鑄見在錢數撥還從之

丁巳提舉河北路保甲狄諮言衛州遠年牧地乞並撥屬牧地官司拘籍以租課責轉運司從之仍令自元豐元年管認送納詔知渭州盧秉落寶文閣待制降直龍圖閣差遣依舊先是詔秉據本司言近西賊入乾興

寨界壕及第六副將向用賢言因孟顥發兵稽遲致不能取獲全勝然本路自去冬以來賊數入寇無不得志而去及令部分兵將伺便酬復又多說事端遷延畏縮不敢應詔鼓勵兵將追討仰具析以聞已而秉言昨令劉昌祚以將下選兵結成陣隊措置一行事法方欲進討忽準詔夏人遣使在境本路兵將未可施行而臣之愚心亦以兵須完養出必萬全非敢故為遷延上違聖訓而熙甯乾興隆德寇入相繼不能有所斬獲蓋臣書生不習軍事臨機防慮過當實不敢稽違詔旨臣不能保護邊防罪已明白伏望哀憐八十老父免從吏議重行黜責故有是命 詔大理寺刑名疑慮及情法不稱奏裁公案送定斷官詳送如非疑慮情法不稱並免收

坐從本寺請也元豐間詔大理兼鞫獄所承內降公事上下皆曰是詔獄也意必傅重少卿韓晉卿獨持平覈實無所觀望人以不冤上知其才凡獄難明及事繫權貴者悉以委晉卿尙書省建擢刑部郎中天下大辟請讞執政或以爲煩將劾不應讞者晉卿適白事省中因曰聽斷求生朝廷之心也今讞而獲戾讞不至矣議者或引唐覆奏欲令天下庶獄悉從奏決晉卿曰法在天

此據韓晉卿傳蓋因劉摯墓誌也

戊午知青州龍圖閣待制鄧綰試禮部侍郎於是給事中陸佃韓忠彥封駁綰命言綰姦回頗僻使典邦禮恐

玷清選詔罷之 編修天文書上所修天文書十六

卷乞本監收掌外仍頒降翰林天文院測驗渾儀刻漏

所從之 彭孫言涇原路蕃兵皆富有出入止是雇人

僕從軍蓋舊無正官管轄遇軍行始差將副人心不相

諳故難指呼乞差蕃官兩員及諳事將官同管轄處置

庶皆得素養之兵為用詔經略司看詳立法已而經略

司奏漢蕃弓箭手兵馬從來係第二至第十將統領訓

練別無不便難以更差蕃官從之

己未詔京東路新行鹽法上下交便不妨獲利公家以

佐用度推之河北路無可疑者可令蹇周輔李南公於

界首約吳居厚面授京東成法行之此年十月一日可

月二十八日詔以河北經略司招降西夏首領二人

依舊通商

瑪克密巴勒為內殿崇班策多克新為三班奉職

庚申知沅州兼管勾緣邊安撫司公事謝麟奏臣昨開

拓新歸明溪峒置小由寨豐山堡寨主并巡檢臣奏乞

選舉使臣準尚書省符內外官司舉官悉罷至今又已

一年未蒙差到欲乞特許臣或本路鈐轄轉運司舉官

奏詔特令謝麟特奏舉一次五月十五日七月七日

辛酉詔京東路轉運副使吳居厚已發本路增贖鹽錢

納北京左藏庫居厚謹於營職敏而有功可降敕獎諭

五月一日右司郎中楊景略乞左右司官依樞密都承旨

例禁謁從之景略又嘗言尚書郎有非才望者乞令長

官舉不放上或門止故事訖不行景略已見借孫忱子

門止蓋唐故事本傳實因蘇頌所作景略墓誌

王戌詔提舉陝西買馬司選三千匹赴涇原路其應副
熙河路馬權住支 詔吏部四選應犯罪合入遠及遠

小處監當差遣人並不許敘祖父母父母老疾指射家
便差遣 北京留守司河北都轉運司言館陶縣在大

河兩隄之間欲遷於高固村以避水公私以為便從之
知登州趙偁乞諸縣主客不及萬戶補醫學一人萬

戶以上二人每及萬戶增一人至五人止除合習醫書
外兼習張仲景傷寒方書委本州差官補試依得解舉

人例免了贖罪詔禮部立法其後禮部奏諸醫生京府
節鎮十人內小方脈三人餘州七人小方脈二人縣每

一萬戶一人至五人止三人以上小方脈一人遇闕許
不犯真決人投狀召保差官於所習方書試義十道及

五道者給帖補之犯公罪杖以下聽贖大方脈習難經

素問張仲景傷寒論兼巢氏病源二十四卷小方脈習
難經兼巢氏病源六卷太平聖惠方十二卷遇醫學博

士助教闕選醫生術優效著者充從之 知沅州謝麟
言管勾機宜文字葉安節等撫納諸蠻宣力為多今蒙

賜帛視他賞若未均伏乞比類謝季成推恩詔葉安節
減磨勘三年范天益循一資魏洙充試其支賜追收五月

戊午庚申七日 詔以永興軍廣教禪院沒官田三十餘
頃賜府學養士

癸亥詔寺監主簿職事止是專典簿書其公事自當丞
已上通議行之今軍器監輒差按閱廣備事藝其官吏

特放罪令諸寺監依此遵守

甲子提點河東路刑獄黃廉言嵐石等州流移岢嵐軍
民戶準詔發遣還鄉訪聞流民昨為久雨全損秋田故
暫來就種一夏苗麥乞限一月畢田事如允所請其山
軍亦乞依此從之仍令廉詣兩軍安集之黃廷堅作廉
行狀載此尤

詳當刪
取之

乙丑詔諸路管勾機宜文字及勾當公事並禁謁兼

同提舉成都府等路茶場郭茂恂言昨準詔專提舉買

馬兼領茶事而茶場司不兼買馬既不任責遂立法以

害馬茶價每馱有增十餘千者恐蕃馬歲不入上誤國

事乞併茶場買馬為一司庶幾茶司同任買馬之責四年

七月四日茂恂專提舉買馬兼茶場五年十月丙辰但
稱奉議郎不稱職任朱本貼簽此云取到戶部文字不
見茂恂此奏緣見今茶場買馬各為一司
即是元不曾施行合刪去新本復存之

丁卯詔戶部移置錢萬緡均與永興秦鳳路提舉司

戊辰吏部言新授岷州大潭縣主簿余宗道母年八十

七歲以上道有疾乞侍養準敕應注陝西見闕不得乞

尋醫侍養長假詔依余宗道所乞專差同提舉開封

府界教閱保甲劉瑄言開封府界及滑州諸縣保甲元

養馬五千匹死損千九百餘匹已摧納價錢萬緡乞專

委官往來買馬其未納錢亦可就令督趣應副詔呂公

雅其買到馬送劉瑄從武藝高者先給之呂公雅時為
何官十二月

甲申以同提舉保甲言公雅夷
簡從子政和三年十月有傳

己巳詔廢罷監收縻費封樁錢物令樞密院承旨司專

根究主領餘應封樁錢物令尚書都司取索置簿拘管

初中書差堂後官置簿掌封樁錢至是官制既行分隸

馬龍圖閣直學士權知開封府王存言三院獄空詔

開封府官吏並依元豐五年推恩舊紀書開封府獄空新紀削去上

批牧馬重事經始之際非左右近臣專總其政隨事奏

稟付之有司未易營辦自今霧澤陂牧馬所造法且於

畿內置十監俟其就緒推廣諸路施行可差樞密都承

旨張誠一副都承旨張山甫專提舉經度制置牧馬條

畫奏稟施行依五路保甲例權不隸尚書駕部及太僕

寺有當自朝廷處分者樞密院施行

辛未詔其災傷處第四等以下戶闕乏糧種雖非給散

月許結保借請雖有欠闕亦聽支給限一年輸納仍與

免息

王申詔刑部郎中杜紘罰銅八斤展磨勘二年初邵武

軍奏讞婦陳與人姦謀殺其夫已定其夫醉歸陳不鍵

門姦者因入殺之法寺當陳謀殺從而不加功而紘議

陳加功罪應死不疑又興元府奏讞梁懷吉聞出妻晁

病往視因寄粟種晁子輒取食之懷吉毆其子死法寺

當晁子盜粟懷吉當雜犯死罪引赦原而紘議晁子食

懷吉粟乃用受寄輒費用不入捕法議既不同下御史

臺定奪御史臺言刑部駁議皆不當故罰及之三月辛酉

詔應緣信使往還率民治道計其所役日與折春夫

從接伴遼使賈青請也

癸酉詔宗正等修玉牒合照用日麻所文字並指定所

書事令本所節錄其關防漏泄並依日麻所法

續資治通鑑長編卷三百三十五終

三

Blank columns of text, likely bleed-through from the reverse side of the page.

續資治通鑑長編卷三百三十六

宋 李燾 撰

神宗

元豐六年閏六月乙亥朔夏國主秉常奉表乞修職貢
詔曰朕以爾膺受封爵世為藩臣職貢之修歲時無怠
朝廷待遇恩數加隆頃以權彊敢行廢辱達於予聽良
用震驚嘗令邊州就往移問匿而不報繼犯邊陲王師
徂征蓋討有罪義存拯患非獲已焉今者遣使造庭辭
禮恭順仍聞國政悉復故常朕心釋然深所嘉納已誠
邊吏毋輒出兵爾其遵守先盟愈勵臣節永綏寵祿庸
副眷懷初三省樞密院以詔草進呈上批辭意已得允
當惟勘會自來詔書曾與不曾稱朕與爾三省樞密院

具奏故事乃用之詔書據御集兩紀並書秉常請修貢許之

丙子詔中書尙書省外取使臣等勿著正官寄理磨勘

資任遷補王午日當并此熙河蘭會路制置司言皇城使環

州刺史李忠傑討西賊有功應遷四資乞回授三資與

子內藏庫副使阿邁遷六宅使阿邁已見鄜延路經

略司言弓箭手於近裏縣置田兩處立戶及四丁以上

乞取一丁為保甲一丁為弓箭手有二丁至三丁即且

令充弓箭手詔保甲願充弓箭手者聽其見充弓箭手

與當丁役毋得退就保甲陝西河東準此

丁丑太常寺言四后陞祔三室內當增四祔室與后室

同制從之六月十一日乙卯戊寅詔皇城使登州防禦使宋用臣與將來一子入仕

者遷一官賜銀絹二百皇城副使曹貽孫內殿崇班閣

門祇候楊玟右侍禁任緯各遷一官並以開天源河有

勞而用臣為提舉故也詔右班殿直南平軍夷界巡

檢菊曩二遷內殿崇班夷界都巡檢使賜金百兩雜綵

五百義軍指揮使菊曩大為右班殿直夷界同巡檢王

用祥為三班借職歸正寨監押借職馮正符為右班殿

直夔州路轉運判官席汝明上討除射殺魏從革獠賊

功也上批汝明督趣經營斬獲獠賊首級有功可亦遷

一官元豐四年八月二日御集有席汝明二事今皆附見

當考夔州路轉運判官席汝明奏安平軍夷界同巡檢

曩二義軍指揮使菊曩大為右班殿直夷界同巡檢王

命擒戮獠賊木箭射殺魏莊宅情願捕捉送官能自

震都命琴曩當一功直用五百檢勞門者戊丁與同戊

延賞賜楊光震名目進呈并光震見請俸給畫一進呈

元豐六年六月九日進呈南平軍多日奉旨祥捉獲木琴

奏瀘州安撫司奉旨委臣應接菊曩大王用祥捉獲木琴

因依聞奏臣奉旨委臣應接菊曩大王用祥捉獲木琴

翁等不任住土惡促殺獲木琴二并男及手下願久住彼處

平軍係水命惡促殺獲木琴二并男及手下願久住彼處

蓋非無故久住彼處御批汝明督促經營斬獲先

實南平知軍魏從革獠賊首級有到取旨賞

殺呈元豐六年六月十二日候奏到取旨賞

進呈元豐六年六月十二日候奏到取旨賞

河東經略司夏國奉表辭禮恭順朝廷已降回詔許通

常貢可誠約邊吏無輒出兵除自來邊界依舊守外其

新收復城寨止於二三里內巡綽防拓毋得深入仍詔

押伴夏國使人王震以此意說諭使副兩紀並于戊寅

輒出兵無

己卯鄜延路經略使劉昌祚指名乞差使臣三十六員

填將官及諸城堡寨見闕上批雖有違礙者可並依所

奏詔入內省東頭供奉官甘師顏除名坐私使鈞容

直兵皇城司親事卒也權開封府推官祖無頗言準

詔提舉京城所奏度量京城裏壁四面離城腳三十步

內妨礙官私地步舍屋令臣專管勾案圖標撥內係百

姓稅地及舍屋參驗元契並估計時價以聞今度量除

係官舍屋更不估計其百姓稅地並舍屋共一百三十

戶計直二萬二千六百餘緡已牒將作監訖詔集禧等

觀當拆修舍屋令京城所管認其餘係官屋並令將作

監拆修其百姓屋價錢令戶部以撥券馬錢給之詔

熙河蘭會路安撫司近遣楊吉等出界討賊冒險過河

兵少而斬獲多令制置司於賞格外優賜之其沈溺人

厚加撫卹

厚加撫卹

厚加撫卹

辛巳吏部言二廣承務郎以上任烟瘴處差遣除知州
 係朝廷差外餘過滿一年乞放罷從之 熙河蘭會路
 經略安撫制置使司言擒獲西界探事宜部諸子策木
 多莽緣其人善斫造蕃鞍邊人頗稱之乞令押赴京製
 造軍器所從之已而軍器所言策木多莽所造鞍二面
 實可用詔策木多莽特免死刺配欽州牢城
 壬午詔梓州路轉運副使李琮罰銅二十斤坐前任江
 淮發運使因奏計時嘗乞住煎池州綠礬而池州實自
 嘉祐六年已住煎故也 詔尚書省六曹諸司主事自
 今更不帶正官止寄理磨勘資任或併丙子日
 癸未開封府言陣亡侍禁郝師尹妻劉氏乞以所攜養
 子郝惇與夫弟等均推恩從之 熙河蘭會路制置使

司言秦鳳路兵馬鈐轄兼第三將張之諫子三班奉職
 義甫乞以父回授減三年並已押隊所獲減二年恩例
 併遷一官詔義甫身有軍功及父以戰功回授可特許
 之 詔以西頭供奉官郭世及子公彥為三班借職以
 世及隨京西第三將鄜延路軍界出沒於白鹽池故也
 詔聞陝西諸路逃亡兵卒尚有未投首人數見在鄉村
 慮逐處官司不急搜捕致騷擾人戶宜令永興軍秦鳳
 等路提刑司除督責當職官司速收捉外仍依近指揮
 增立賞錢曉示諸色人搜捕早令淨盡
 乙酉御史臺言先準詔每半年御史一員取摘三省諸
 房簿點檢稽滯差失然未有輪差及置局取吏之法詔
 三省各一員於言事官察官內序差以本臺吏就逐省

續資治通鑑長編 卷三百三十六 四

點檢太常博士王吉言竊見修定陞祔儀注內四后更不造冊臣竊以謂奉上二帝徽號陞祔四后神主其事則殊其爲宗廟大禮一也今陞祔不發冊則大慶廷授上公載輅儀衛鼓吹等亦皆緣此而罷止於太廟有司攝事而已如此則加號之禮顯陞祔之事隱蓋發冊之禮雖爲祔廟之節文而陞祔之重乃由發冊而後顯今旣行陞祔而反廢其重禮恐萬方觀聽或有以輕重議朝廷者矣或謂故事用冊者皆以改上尊諡或字有增損之故今四后諡無所改則不可用冊然臣以謂郊廟用冊其事多矣非必至於增改諡號而後可爲今自別廟而陞始正帝后同室之位決歷世之疑議舉宗廟之大禮據經稽古至陛下而後定其事至重願使減於

諡號增改使有司止以常祝告廟此臣所以疑而未敢決臣愚以爲朝廷苟欲姑徇禮官之議今不用冊則乞稽參典故凡行禮之節務致隆極使較然以異於常享庶幾上副陛下致嚴宗廟之意詔下太常寺詳議太常寺言欲比景靈宮安奉神御禮例遣重臣行事比親祠太廟用竹冊宗室遙郡刺史捧冊史官讀冊差親王使相以下爲三獻配享功臣七祀仍乞陪祠宗室係正任以上並立班其告遷神御每位用細仗二百人詔陞祔四后用綵殿告遷差宗室行禮並西櫺星門外亦用儀物稱事陳列餘從之閏六月二十五日六月十一日詔撥市易下界所納到市易欠錢六百萬緡與上界仍更給度僧牒千爲錢十三萬緡以上界見闕本錢故也

丙戌詔兵部自今文臣待制三省郎官正言監察御史
提點刑獄以上武臣橫行及路分都監以上各舉應武
舉一人 步軍副都指揮使劉永年言汴水漲及一丈
二尺法許追正防河兵二十八指揮自西密務列兩岸
至東密務如漲及一丈三尺二寸更追準備二千人臣
竊以京關防河事體至重乞自今遇水大漲或淫雨不
已令都巡地分如救火法於近便增發三兩指揮不足
卽指所轄軍分奏差其支賜約束並依防河從之 詔
知宜州錢師孟追一官通判曹觀追兩官並勒停推官
崔堯章司理鄒長卿各罰銅二十斤衝替推官謝辰司
戶盧叔度張翼並衝替坐裁減蠻人管設生事雖去官
會赦皆特責也 提舉經度制置牧馬司言奉旨於熙

河河東路揀買新置諸監騾駃馬乞差官逐路揀買詔
提舉司每路各選奏大使臣一人具姓名以聞熙河路
就差本司承受入內供奉官馮景河東路就差提舉按
關保甲所承受公事入內殿頭王觀仍不送門下省據此

御集

丁亥陝西轉運副使范純粹言見修完延州城許令用
軍須金銀錢糧如不足以朝廷所賜入便錢支用其他
城砦雖被旨修完若不依延州已得指揮無由辦集欲
望朝廷詳酌從之

戊子禮部言舊制貢院專掌貢舉別有印章曰禮部貢
舉院之印遇鎖試則知舉官總領昨廢貢院印亦隨毀
以其事歸禮部昨廢貢院要見日月準格遇科場卽止牒禮部印

用之緣禮部所掌貢舉乃其一事若每遇鎖試牒印即
他曹事實有闕乞別鑄印曰禮部貢舉之印從之 都
大經制熙河蘭會路邊防財用司言捕獲撰匿名書人
李方上批書辭詆欺萬狀慢上海下無所不至若止科
以徒坐不足懲其姦凶令提點刑獄經制司審實是真
犯人即處斬 廣西經略司言宜州溪峒言莫世忍子
公效乞歸明而南丹州又言公效作過乞以一行人送
藤州給田安置詔廣西經略司令宜州取問莫世忍今
公效罪惡法所不容如欲正典刑令押就境上處斬若
以父子恩且欲存留即遣回本處今一面送遠惡處羈
管後世忍乞斬公效於宜州詔止刺面配江西牢城仍
免決 熙河蘭會路制置使司上增築定西城通西寨

文武官功狀詔五等皆賜銀絹第一等四人三百匹兩
第二等一人二百第三等六十五人百五十第四等十
三人百第五等二十七人七十 涇原路經略使盧秉
上姚麟去月乙丑十一月二日部諸將討開噶平功狀斬獲
首一級遷一資重傷遷一資獲強壯蕃丁一人遷一資
賜絹二十匹於是主將東上閤門使英州刺史姚麟賜
銀絹六百仍降敕獎諭陣將崇儀使張世矩等八人四
人遷一官三人減磨勘三年一人減二年走馬承受二
人各賜銀絹五十管勾機宜文字官一員銀絹三十諸
班直各賜絹十匹諸軍勇敢效用弓箭手蕃兵等各絹
五匹部隊將四十二人內十一人遷一官三人遷兩官
一人遷三官餘減磨勘年賜絹有差 朝散郎楊叔儀

奏臣契勘得鄆州所管六縣牧地共二十六棚都計租額地一萬二千餘頃惟四棚租額數足二十二棚隱陷之地計七十餘頃人戶冒佃積有歲年臣遂擘畫先閱視見存牧地循其邊幅圖以形勢方見見存牧地尖斜彎曲闕縮之狀呼集人戶令就紙圖見存牧地之旁自裏及外籤貼所占地段然後諭以牧地形勢侵冒灼然之迹除豪右侵占外復有見任官職田州學學田之類係占牧地者先次拘括以塞百姓觀望之意其人戶遂肯伏認所占地段在牧地四至內其地例皆肥沃情願依舊住佃改稅為租訖臣今畫到六縣牧地新舊形勢圖一冊伏望特賜宣取御批可契勘所陳虛實及曾與不曾依格酬獎並審其人材如堪任使宜特除太僕寺

丞主簿填見闕以勸在仕首公幹力之人

己丑以叔儀為將作少監楊叔儀奏御集據御集止除寺簿實錄乃除少監當考

辛卯詔劉昌祚夏國近雖遣使乞修誓好朝廷答詔許

通常貢然新畫疆土封守未正賊之承命逆順情不可

保漸邇秋防田稼在野深慮守臣安於近詔以為邊事

遂甯忽於隄防或誤國事委昌祚詳此施行詔秦鳳

路走馬承受楊安民陝西買馬司選馬三千匹赴涇原

路以本路諸軍闕馬甚多故也都水監丞陳祐甫言

滑州魚池埽危急買納物料俱竭今全河傾側南岸極

力救護可定乞下京西轉運司具梢草百萬都水監支

竹索萬條從之賜措置河北糴使司度僧牒三百修

北京東西濟勝倉六月十一日御批可考手詔蹇周輔今河朔

雨澤調節夏必豐成秋稼立苗甚茂宜乘美歲廣謀收
糴仍具定瀛州新倉畢之期以聞是歲北京東西濟勝
二倉定州衍積寶盈二倉與瀛州之倉告成各二千楹

此據本志係之六月今附見閏六月十七日賜度
牒修北京二倉後七月二十一日周輔入為戶侍 太

常寺言博士王古乞自今諸神祠加封無爵號者賜廟

額已賜廟額者加封爵初封侯再封公次封王生有爵

位者從其本婦人之神封夫人再封妃其封號者初二

字再加四字如此則錫命馭神恩禮有序凡古所言皆

當欲更增神仙封號初真人次真君並從之

王辰皇第九子似為山南東道節度使儀國公新紀但
書必封

儀國公舊紀
仍書節度使

癸巳權發遣提點開封府界諸縣鎮公事范岫上殿言

知雍邱向宗慙違法見已劾奏上曰已逐之矣因問諸

縣可稱者何人岫言奉議郎知考城孫載簿案嚴整稅

課辦集通直郎知咸平朱勛未滿任而去民至今思之

上曰朱勛嘗有薦廣西勾當者岫言趙禹征安南嘗奏

助隨行上曰違慢者既斥逐有善狀者復收擢則官吏

自然戒勸乃詔孫載朱勛中書省籍記姓名 京東轉

運司言本司置鹽官侍禁張白坐率眾竈戶以久雨得

晴賽神飲酒繫百餘人蓋河北人情不悅本司遣官籠

取遺利恐因搖動遠近後官亦難責以辦事其張白推

行鹽法最為得力所坐緣公情無大惡如當劾罪乞不

追證左免致竈戶例遭禁繫使煎鹽之事虧損歲課詔

特免問 御史中丞黃履言聞將作監丞宋彭年五月

中申監準蒲左丞吏押白頭子五道追專副人吏作匠
有妨本場工作將作監至六月方牒大理寺大理寺並
不追究唯坐吏許經臣罪臣聞法行自貴者始蒲宗孟
叨位政府不能悉心竭力以務報稱而自蒙大任以來
退食家庭荒耽酒色翌日朝退昏倦熟寐起簽書文字
不復詳究聞執政聚廳宗孟常未至今又恃勢違法役
使兵吏曠弛驕恣至於如此將作監既聞日役百餘人
當卽施行乃至七日而後下大理寺既知宗孟違法當
盡公根究乃書吏更以輕罪且以緣故出之皆畏避權
勢慢上曲法者也詔御史臺鞫實以聞履又言宗孟事
乃臣所彈奏乞特命官司推治詔大理少卿韓晉卿御
史楊畏就臺劾罪以聞 詔廣東阜民監歲鑄錢除本

錢外並屬內藏庫額舊無專官主領多爲轉運司侵用
及不以時催驅過領致煩朝廷專差官運致宜自今專
隸提舉司督趣輸納令轉運司毋得干預

乙未熙河蘭會路制置司上左侍禁楊吉等募蕃兵過
河討西賊功狀詔楊吉遷供備庫副使兼閣門通事舍
人郭勝王師道爲閣門祗候吹凌密爲三班差使策木
多格爲下班殿侍馬凌於所當遷五資上與諸子承襲
其餘所俘虜功依例支賜阿錫達等七人於所當轉職
名上亦與諸子承襲所有賻贈馬凌三百匹阿錫達百
匹都虞候至蕃敢勇各五十四匹不獲首級蕃軍使依條
承襲王文郁賜敕獎諭 賜江淮等路發運副使蔣之
奇紫章服運司司歲漕穀六百二十萬石之奇領漕事

以五月至京師於是入覲上勞問備至面賜之且曰朕
不復除官漕事一以委卿之奇辭謝因條畫利病三十
餘事多見納用李彖云蘇迨言蔣頴叔之為江淮發運
吳人諳知風水嘗于所居公宇前立一旗曰占風旗使
人日候之置籍焉令諸綱日程亦各記風之便逆益雷
電霧露等有或不均風則天下皆有運至占風旗今廢矣
合之責其稽緩者綱吏畏服蔣之奇去占風旗今廢矣
賜開封府提點司度僧牒五百市楊武等埽物料
樞密院言知熙州趙濟言捕獲逃軍元德詐稱使臣郭
訓傳李憲令開熙州城門已付所司案熙州極邊而濟
止憑元德詐稱李憲所遣即開門聽出何以伺察姦細
詔濟自今凡事審實毋得輕易仍遍下所轄州軍城寨
官吏亦依此指揮其元德令制置使劾罪斬訖以聞濟
尋具案奏詔元德慮有隱伏交通外界姦細迹狀可更

切劾治如無他情即處斬又詔濟不能辨察又不能審

問實為昏謬可免重黜止罰銅四十斤

丙申武甯軍節度使守司徒開府儀同三司致仕韓國

公富弼卒舊紀書弼卒先是弼上疏論治亂之要曰臣

聞自古致天下治與亂者大綱不出諛佞讜直之人二

端而已諛佞者進人主不聞有過惟惡是為所以致亂

也讜直者進則人主日有聞益惟善是從所以致治也

此乃人主致治亂之大略焉臣自離朝廷退居林下時

亦仰知朝政所為大率諛佞者競進讜直者多處于外

雖有在朝者蓋恐觸忤姦佞亦皆結舌不敢有所開陳

又聞近日中外或有事緒上撓聖懷而忠義之士但仰

屋竊嘆不見有聞於上致陛下不得知而更張之此實

非朝廷之福也惟願陛下開忠正之路杜羣枉之門講求善政變禍為福俾天下受賜坐致太平此老臣有望於陛下其間事目甚多亦不敢妄有條列但舉其大要惟聖君留神而擇焉不爾即恐浸潰漸深禍亂將至則于時益煩宵旰之憂而亦無所濟矣老臣犬馬區區之志略陳其端伏望聖慈無少忽而深思之力行之乃天下之幸宗社之福也又言臣竊觀大凡臣僚上封論事其間甚有事沾激取虛名者亦有希利祿求實欲者臣今年整八十可謂老矣近日尤覺衰薨舉動須人扶策家居坐卧日與死迫况已致政十有餘年固非事沾激希利祿之時也惟是憂國愛君之心愈深愈切所以不量僭越特有此奏聞惟陛下少加省察思而行之疏奏

上語輔臣曰富弼有疏來章惇曰弼言何事上曰言朕

左右多小人惇曰盍令分析孰為小人上曰弼三朝老

臣豈可令分析王安禮進曰弼之言是也罷朝惇責安

禮曰右丞對上之言失矣安禮曰吾儕今日曰誠如聖

諭明日曰聖學非臣所及安得不謂之小人惇無以對

此據邵伯溫見聞錄增入蔡確新傳所稱弼上言確小人不宜在陛下左右或即此疏已具注五年四月癸酉

弼既上疏又條陳時政之失以待上問封押付其子紹

庭及卒司馬光范純仁來弔哭紹庭以告曰此始遺表

也光純仁曰當即具奏勿復啟莫知其所言後乃得其

藁曰臣聞義不避難忠不忘君凡曰士夫皆宜志此況

臣歷事三聖位為上公自當矢心本朝同國休戚不敢

以進退之間為憂責不加便自同於眾人循嘿苟安而

已今雖老病疲憊待盡朝夕家事世慮不復縈心惟是
憂國愛君愈深愈切蓋是慮有所及耳有所聞恐懼憂
思勞廢寢食又念今日上自輔臣下及庶士畏禍圖利
習成弊風忠詞讜論無復上達致陛下聰明蔽塞天下
禍患已成尙不知驚懼改悔創艾補救日甚一日始將
無及忠義之流痛心寒骨當此之時而臣猶忍惜奄奄
餘齡圖子孫深計坐視甯處辜負天地不爲陛下盡誠
意而陳之則誰爲陛下語者儻使誤社稷大計致生靈
於塗炭則臣豈惟生則愧心死則含恨而已哉直亦天
地之所不容萬世之罪人也惟願陛下察臣老病將死
尙何顧求特以不忍上負聖世所以傾瀝血誠哀憐愚
衷俯垂聽納則天下幸甚伏思朝廷綱紀天下利害豈

復一一可道陛下聖明固當無所不燭而況老臣前日
論之亦已詳矣不復以聞惟取方今禍亂之幾而天下
所共憂懼事之切者論之伏惟陛下天姿睿明實邁前
聖自當齊德二帝致治於三代之隆但以卽位之初邪
臣納說圖治之際聽任失宜謂能拒絕衆人不使異論
得行然後聖化可運事功可成此蓋姦人自謀利於苟
悅而柄任之臣欲專權自肆以成己志遂誤陛下放斥
忠直進用邪佞忠詞杜絕諂譽日聞上心所欲風從響
應無復爭辨救止寢成大患竊思去歲朝廷納邊臣妄
議大舉戈甲以討西戎事出倉卒人情洵懼憂在不測
卒致師徒潰敗兩路騷然非賴聖明遽止再舉之師則
禍難之至可勝道哉此豈非朝廷大事安危所繫者乎

續通志卷三十一
當舉事之初執政大臣泊臺諫侍從之官苟能犯顏極
諫期於不爲則聖心自回禍難自息矣臣不知是大小
之臣有爲陛下力爭其不可者乎如聞廟堂之上方且
賡歌迭唱夸示威略以諛順聖意則事之及此又何疑
焉臣謂西師之失獨陛下必以國家大計爲憂他人誰
肯預焉西師乃一事也不幸又有甚於此者亦將如是
矣一日事出意外可復救耶乃是陛下塗塞耳目否隔
上下以取欺玩古之所以速危亡之禍者亦不出乎此
耳陛下豈以老臣昏愚無知論之爲過甚乎然事理明
甚道塗之人皆知之陛下可不念之而寒心乎以陛下
之聖若洗心降意放逐邪佞招延公正使天下昭昭知
朝廷翻然改圖無諱陳罪納諫之意則忠謀讜論必湊

達天聽陛下極誠心而用之則萬事之正由此出矣臣
以謂今日天下之憂其本出於誠意之不通而諫路之
絕也臣特爲陛下極陳所懷因先及其致患之由覲以
上廣聖心而俯察老臣之論也今將列其事體之大而
當今之急者耳願陛下不以臣之愚而遽棄之特加省
覽則不勝大幸臣謂朝廷之事莫大於用人夫輔弼之
任論議之職皆當極天下之選彼夫貪寵患失柔從順
媚者豈可使之事一出於上則下莫任其責小人因得
以行其姦矣故事成則下得竊其利事不成則君獨當
其咎豈上下同心君臣一德之謂乎此乃朝廷之大體
也願陛下察臣之論臣謂天下之大非智力可周惟誠
意可通也苟上有至誠惻怛之心則山海遐僻莫不感

動況朝廷之上乎今上下情意否塞不通爲臣者莫得盡其心百姓愁怨失其所者無由上達而政令之施行書詔所曉諭不聞權欣信服之意臣恐非朝廷所以示天下也願陛下推本忠厚之教以至誠通達上下則聖德日隆不語而信於四方矣此亦朝廷之大體願陛下察臣之忠臣謂中外貴賤之士所宜用之各有常分宮闈之臣若委之專總兵柄統制方面皆非所宜在外則挾權怙寵凌轢上下人心不服易以敗事入侍左右寵祿旣過則驕恣易生勢位相及者猜奪互至立黨生禍此其情也不可不戒臣聞爲國者以義爲利不以利爲利或聞興利之臣近歲尤甚虧損國體爲上斂怨民間小利皆盡爭奪至若爲場以停民貨造舍而蔽舊屋權

河舟之載擅路糞之利急於斂取道路嗟怨此非上所
以與民之意又聞今日百姓貧敝最甚者以錢聚於公
府而輸之不已也故穀米貴價而民有餓殍必恐歲月
寢深民力愈困事至於極則盼盼之民不能保其無患
也此衆情所憂願陛下與民共財以通天下之利無使
斯民致於窮極也臣觀今日近憂最在西事不惟夏人
以前日之怨必思報復兼其緣邊舊地未敢安居況國
家興置城寨在其境內旣未聞恩詔洗盪還其舊封則
異日衝犯邊城深未可保又遼人雖重信好未敢輕絕
然懷齒寒之憂又窺舉動之失豈不乘此間隙陰相黨
助爲我深害乎臣閒居屏處不能審知事實然道路傳
聞昨來西師入界及永樂覆沒官兵民夫及其齎送之

人凍餓而死亡者無慮數十萬臣亦恐帥臣監司州縣之吏未必能以實數聞於朝廷使陛下惻然哀憫而急圖之也今聞邊兵寡弱村落蕭條士無鬪志難復爲用久戍未解糧餉不時東兵在行者或歸或留不無悵望但慮再有征發其心易搖而百姓畏恐窮困前日繼有調發已不從命度此事勢可不深慮哉是豈諱過取敗不思挾禍之時乎前日國家罄竭公私之力以事誅討曾不傷西人之一二也彼其得我叛卒取我兵械取我金帛糧食不可貲數彼將以其所獲貽遺隣國借兵求援以爲邊患是反足以增強捍也臣未知朝廷所以待之之策萬一賊犯邊境官兵旣不足用民兵又不可發則將何以禦之關陝之憂豈有涯涘關陝震盪則關東

搖動州郡例無兵備人情易爲驚擾則所當慮者又亦深矣此事之無有所恃者天幸而已今以薄忠義寡廉恥之士率無固志積愁怨之民當艱危之會而求患難之不成難矣萬一不幸有此臣未知陛下所恃者孰共此憂而在廷之臣孰能濟此患也惟陛下深思而預圖之則庶幾其有及不然則雖有智者難善其後此必他人之所不敢獨陳老臣又復負陛下而不論則誤陛下必矣臣所以焦心疾首傍徨旦暮不敢顧誅戮之罪者也願陛下廓天地之量爲生民深計顧邊疆小醜何足校得失勝負毫末哉伏望速回天意明下聖詔諭以前日舉兵之因許其改心效順歸其侵土復其爵號擇忠信仁厚之將使鎮撫邊部嚴敕備守以固疆場申信敵

國使明知聖主休兵息民之意則禍患可息矣臣聞陝西州郡連歲薄稔大兵之後公私虛耗粒食踊貴兵無見糧逃潰之卒與阻饑之民漸成羣黨今年秋種分數不多民間舊食既已空竭夏麥總使豐熟爲日尙遙民心原本朝夕不及今流散之民纍纍道路莫可勝數不止陝西空虛一有邊警懼難枝梧況其甚者老弱窮困不能遠去則轉死溝壑丁壯流亡者但亦妄意所之無有定所惟恐來春穀糴益貴萬一夏麥失望則去留之民皆無生理其爲憂患固將不淺臣亦未聞朝廷有所處置亦意內外臣僚懷安畏縮不以事實達於天聽遂使朝廷恬不爲意也臣謂前日西師之舉秦晉之民肝腦塗地毒亦甚矣鄉村保聚哭聲相聞亦知朝廷曾降

詔敕更不調發民夫旋又再謀興舉復行差雇方聞涇原罷師鄜延又自興築是以人心危疑莫肯保信此尤非今日之便窮困之民日望安息朝廷所當厚加存卹霑以德澤而曠日累月未有一語及之使其怨氣充塞謂朝廷無保之之意上下相蒙莫肯爲陛下陳其不可老臣所以憂嘆之深也伏望陛下悼前謀之失下哀痛之詔以慰安民心留鄉里者擇循良之吏俾宣道聖意蠲除逋負廣謀賑貸求惠養之實無以空文重失民望其流亡在外者亦委所在存卹計其丁口書其鄉里或資以常平餘粟俟夏二麥將成諭令還業此亦足以寬關中之粟爲兵民之食也庶幾億萬之民復遂生活此在陛下仁聖不難施行老臣之心拳拳所望臣聞陝西

之民昨經出塞死亡之餘再團保甲數少過半繼又修治教場將聚之教習州縣奉行急於星火非惟人情惶駭難將驅之戰鬪亦以貧窮至甚無食可供因致大段流散以至補以餘丁亦多亡佚計今存者人數不多但恐卒難為用徒使驚擾亡失良農非計之得若不權行寢罷以招徠旋定之則恐出關之民莫敢復業窮民無歸或生他變此乃今日事機之速者也臣所陳急於濟事若夫要道則在陛下聖心之所存與所用之人君子小人之辨耳願陛下俯察老臣之心審觀天下之勢未知聖意以今日之事為無足慮耶亦以為當深思而救之耶所信用者皆君子耶有小人耶此豈逃聖鑑之明但無以順從為悅則忠邪判矣伏望陛下詳覽臣奏特

留聖念則天下幸甚此疏稱去年及來春恐是元豐五年冬間所為又稱夏麥則必是六年春

年春弼早有公輔之望天下皆稱曰富公名聞四夷遼

使每至必問其出處安否臨事而謹謀慮反覆詳悉度

不萬全不發當其敢言奮不顧身忠義之性老而彌篤

家居一紀斯須未常忘朝廷訃聞輟視朝三日發哀於

後苑羣臣奉慰贈太尉諡文忠朱本削去墨本又不載

又稱弼與韓琦爭立嗣及還政功至死不復具載之朱本
記聞亦有之或錄第九卷云富公豈因不預定策而
不取邵伯温見聞錄第九卷云富公豈因不預定策而
歎魏公耶今引富公辭戶書稱韓琦第七人委有功有
德為

丁酉閣門言使相已下至節度使除授有引麻賜告書

送事例欲乞特賜比類學士舍人院亦行寢罷從之

禮部言泉州民朱信等言慶厯中泉福等州訪求碎石

禮部言泉州民朱信等言慶厯中泉福等州訪求碎石

山皇祖兆域今訪求得本朝遠祖乃福州閩縣碎石山人景德中亦嘗遣使至福州訪碎石山家宅事迹碎石山今旃檀院是也趙真君家見存而此山下有趙氏舍田契書姓名兼有古鐘銘文可爲據證乞遣官審實詔祕書省檢元降指揮仍令福建路轉運司取朱信等所陳證據其後祕書省言慶厯中元無下福建路訪皇祖山陵指揮福建路轉運司言遣官案視所言謬妄無根詔朱信等罪以赦除之後又詣尙書省自言家有古書可案取視之乃唐中和七年地契後列趙氏族人有名朗者指以爲聖祖其妄若此 河東路經略司言西人乞依舊入貢朝廷已降詔本路見招接西人乞明降指揮詔使人招撫指揮更不施行其自願投順人口可說

諭約回若懼殘害勢不能歸卽義當安存或界上有人收索宜勿應答如首領或用事人緣內怨願投附卽收留奏聽旨候將來已降誓詔別聽指揮 詔刑部應移鄉人情理輕者十年稍重者二十年遇赦檢舉放令逐便令刑部著爲令

戊戌廣南東路轉運副使孫迴言準詔遣大理寺丞郭槩赴廣州制勘公事移文取臣權知廣州斷綱首王遵等案臣雖未知制勘院所治之詳然恐事由中出竊料必有虛誕譖臣者況朝廷威明必不使臣屈於誣罔之口臣欲候將來盡見底裏方敢奏乞窮治交結造語之人以破欺罔朋黨之弊上批廣州制獄本以迴案發陳繹等事久不結絕繼有臣僚論奏迴阿私有所庇曲卽

無中出特治事未知迴以何者為中出讒口誣罔慮迴
真有罪惡反託讒誣以自解免姦人陰慝情狀多端不
可不察若以石璘干涉致變亂事實則璘職位卑賤非
次未嘗得親左右何敢爾者兼據元發事因未見璘當
得罪令迴具析事由中出及交結造語之人以聞已而
迴奏以所案陳繹事連及宦官石璘以璘方在入內內
侍省謂璘誣奏其事故有是言然上察璘實不與也四月
丁未差
郭繁
庚子王珪等請上仁宗徽號曰體天法道極功全德神
文聖武睿哲明孝英宗曰體乾膺厯隆功盛德憲文肅
武睿神宣孝詔以羣臣所上請於本廟本室
壬寅奉議郎并亮采言諸州奏案乞委本路提點刑獄

司每旬具已奏未下事日申尙書省付刑部檢察從之
詳定編修諸司敕式所言將來大禮乞且仍舊差官
專提點事務一次上批式令析正之初誠慮及期有司
奉行疑惑於事舛錯有害不悅造令之人得以藉口歸
咎成法且諳詳始末惟本司官吏最為可委檢察應接
宜依所奏止就差本司官提點應式令所該一行事務

續資治通鑑長編卷三百二十六終

續資治通鑑長編

卷三百二十六

下

續資治通鑑長編卷三百三十七

宋 李燾 撰

神宗

元豐六年秋七月乙巳提點寺務司言已令大相國寺六十二院以其二爲禪院餘爲律院其舊院名及試經恩例乞並罷從之 禮部言淨因院僧道臻奉詔選舉蘇州瑞光院僧宗本江州東林院僧常總住持兩禪院從之給行李錢五十千令乘驛赴闕 丙午湖北路鈐轄轉運司言渠陽縣治所基址卑下近復遭水患乞移縣治於誠州倚郭建置綏輯誠州見管戶口兼治貫保小由等民戶其貫保卻乞於別寨擇地建立從之

丁未詔以十一月丙午有事於南郊

戊申門下中書外省言自官制行已及朞月其間利害官吏固已習知今編修敕條理當博采眾智欲乞許見任官局參議及許其餘人具所見利害赴本省投狀如有可采量事推恩從之

己酉都水使者范子淵言外監丞司舊於澶州置局析為南北兩丞北丞所隸隄埽盡在北州軍乞移北丞司於惠州從之 將作監丞宋彭年言臣昨點檢西府蒲宗孟為修屋多役兵匠初無朝旨後御史臺取問事連少監鍾浚等臣安可尚為僚屬乞易一差遣詔所請不允其鍾浚邪佞不法可先衝替 戶部言提點開封府界諸縣鎮公事范响奏諸縣見欠稅課乞限一年分四

季催理本部看詳欲以所欠稅課令人戶分作三年或二年隨夏秋二稅帶納如限滿拖欠數多縣詳本司比較奏乞取勘詔除收地租課外應係三年內欠負限一年餘限三年其拖欠比較並依戶部所請 橫海軍節度後贈昭信軍節度使開府儀同三司南康郡王諡恭僖宗博卒

辛亥廣南西路經略使熊本等言邕州峒丁教闖乞且依舊條詔送曾布所修條約及彭次雲規畫事付本司相度推行以聞

壬子河東經略司言麟府路蕃部有因立功安冒父祖職名以就酬獎乞令自陳與免罪改正詔限一季自言許人告以其人職名俸給賞之 戶部言江淮等路發

運使蔣之奇奏知州通判與監事官未有賞罰請以租額遞年增虧從制置司比較本部欲乞江淮湖浙路諸州其收鹽課歲終申發運司類聚比較一路內取最多最少者各兩處以知州通判職官令佐姓名上戶部其提舉監事官一路增虧準此詔詳定重修編敕所依此著爲令之奇又言諸路欠本司錢約二百萬緡若朝省不主張則其錢皆不肯償乞本司申理諸路欠負並同負朝省錢物法及乞淮南轉運司自今年額糧斛不得於滁州及天長縣椿撥所有本司鹽本水腳錢口食米造船場物料等及所須之物轉運司除計置應副外不侵越詔係朝省立限違者徒一年餘從之

癸丑詔開封府界諸縣蝻虫猥多今田稼就成恐害豐

稔宜令提點刑獄范岫親督人夫速翦除之

乙卯耐孝惠孝章淑德章懷皇后於太祖太宗真宗廟

室孝惠孝明孝章淑德懿德明德元德章懷章穆章獻

明肅章懿各以配繼先後爲次四月二十五日詳定所

舊紀書乙卯詔孝惠太祖繼后孝章淑德章懷太宗真宗元妃未克入始耐于廟室新紀改書始耐孝惠孝章淑德章懷皇后于太祖河東緣邊安撫司言代州陽武

等一十寨寨主監押每寨兩員乞許自本路經略安撫

司及本司於大小使臣內選擇一員保明申吏部指差

外一員卽自吏部差注上批地接契丹界其事甚重宜

特依所奏

丙辰以四后耐廟德音降減京畿內死罪囚流以下釋

之兩紀並詔四后忌日自今依大忌例 太中大夫

知樞密院孫固為通議大夫觀文殿學士知河陽固以疾求去位也三年八月固子朴野坐周沃事衝替太中大夫同知樞密

院韓縝知樞密院太中大夫試戶部尚書安燾同知樞密院上嘗命內侍曾處厚至嶺外督發內藏錢銀處厚

乞將折二大錢充東南諸路上供以其所椿小錢來償既奏可矣燾言折二錢不可行於京師得之不足以備

實用且曰臣自承乏計府雖用出非常不敢以一金煩朝廷故臣今亦不敢奉詔上從之此據安燾行狀行狀又言越次用燾當考

西邊用兵歲久上益厭之乃不次用燾燾力辭曰異時陛下除執政必以次補今有位在臣上者而遽用臣臣

不敢當上曰西鄙未甯最今日重事也正欲賴卿謀謨耳時夏人款塞燾謂宜遂撫納且戒邊臣毋為兵端既

又請還疆土燾言比所得有非要害處固宜予以示恩然羌情無厭今則未可蓋當使知吾宥過而罷兵不應

示吾厭兵之意此據行狀命宰相王珪為南郊大禮使禮部侍郎李常為禮儀使御史中丞黃履為儀仗使兵部

侍郎許將為鹵簿使知開封府王存為橋道頓遞使國子司業朱服言諸州學或不置教授乞委長吏選見

任官兼充先以名上禮部從本監體驗可為教授即依所乞其舊補差教授悉放罷有筠州學策題三道乖戾

經旨今錄進呈於是禮部言乞令本監具何如體驗外官學行堪充教授及杜絕徇私請託舊弊然後立法其

見為教授人候有新官令罷其筠州權教授監本州酒稅蘇轍乞令本路別差官兼管勾從之熙河蘭會路

續資治通鑑長編 卷三百三十一 熙河蘭會路

制置司言蕃部當支抹虛稱夏國與董戩書欲同入寇
詔李憲械當支抹送董戩阿里骨令自處置 經制熙
河蘭會路邊防財用司言乞於蘭州添置市易務支撥
錢本計置物貨應接漢蕃人戶交易以助邊計從之
丁巳詔升祔禮成四后之家推其長一人已仕者遷一
官未仕者與初等官 詔陝西河東經略司聞諸路蕃
官雖轉大使臣並在漢官小使臣下朝廷賞功轉資以
爲激勸如此卑抑則孰知遷官之榮宜定漢蕃官序位
以聞後河東經略司言蕃官部堡寨兵出戰常以漢官
驅策難與漢官序位而兵部言乞應蕃漢官非統轄者
乃令序從之
戊午朝獻景靈宮

庚申詔同知樞密院班尙書右丞下

詔寺監主簿止

是專掌簿書其公事自當丞以上通議施行今取問寺
監有令主簿簽書公事處大理寺長貳正主簿八員衛
尉寺卿主簿二員將作監少監丞主簿五員都水監使
者丞主簿四員少府監少監丞主簿三員司農寺少卿
丞主簿四員太常寺丞主簿二員軍器監少監丞主簿
四員內長貳主簿可並降一官正丞並展磨勘二年各
不以去官原 禮部言太常寺先定北郊壇制方丘三
成級高四尺本部嘗看詳以爲壇制旣爲方丘難設八
陛欲乞別選澤中之丘以爲方壇高六尺設四陛而太
常寺又言方丘壇制度皆不經見周禮以黃琮禮地鄭
氏注琮八方象地則壇制八陛固有所本固守前說不

肯變本部再詳周禮祭地於方丘且在澤中乃是經據漢制設四陛高六尺其法可用蓋壇之四旁各設一陛則四陛與方壇於體爲宜又其崇六尺去地未遠且有親地之意乞送別司再定詔壇高一丈二尺設四陛餘依所請 詔知瓊州劉成勒停坐擅追瓊山縣令李孝龍往朱崖軍火黎人居會赦也 陝西轉運使言昨出界民夫棄失官物多於雇主名下催納實重困苦乞與除放詔陝西諸路轉運司審實除放之 雄州言拒馬河溢破長沙口南北界例差兩地供輸民夫修完上批去年決口兩界發夫已嘗興訟委雄州詳審處置毋致生事 知鎮戎軍張世矩言嘗舉知麟州郭忠紹爲路分鈐轄今得知麟州嘗虎書稱近嘗出師朝廷指揮忠

紹爲虎照應而忠紹以故頗懷怒君父觀此固非忠孝乞不用前狀詔世矩告諭不干已事及繳私書特釋罪提舉河北東西路保甲司奏團教保甲應干支費除從官給外合用雜費錢物名件不少盡是的確不可省闕若不破錢必有因循犯法之弊若一支破官錢緣名件細碎難以指定今略具雜費名目及本司欲作擘畫事奏聞上批契勘已擬定諸路每歲據收到椿管保甲司錢貫除量畱準備雜費外可按閱團教保甲數諸路省費錢數省到一百六十六萬一千四百八十三貫五百六十六文五分四釐費用三十一萬三千一百六十六貫一百六十五文除費用外合封椿一百三十四萬八千三百一十七貫三百九十五文五分四釐府界省

到二十四萬二千四百四十四貫一十六文費用八萬
五千三百三十九貫四百三十二文二百七十六都保
除都副保正大保長外見管六萬二千六百四十八人
都保正二百七十五人副保正二百六十四人大保長
二千七百一人小保長一萬八百六十三人保丁五萬
一千七百八十五人省到錢除費用合封樁一十五萬
七千一百四貫五百八十四文約一名賞錢八貫每年
用一十二萬貫賞一萬五千人餘三萬七千一百四貫
五百八十四文畱充雜用約四年賞遍河北東路省到
一十二萬八千七百六十一貫五百四十一文五分五
釐費用三萬二百四十五貫六百一十六文五百五十
一都保除都副保正大保長外見管一十一萬五千五

百四十六人都保正二百三十二人都副保正五百一

十八人劉友端策內不分都副保正二百五十七人

小保長九千二百九人劉友端策內無大保長五千七

十六人保丁一十萬六千三百三十七人省到錢除費

用外合封樁二十九萬八千五百一十五貫九百二十

五文五分五釐約一名賞錢八貫每年用二十四萬貫

賞三萬人餘五萬八千五百一十五貫九百二十五文

零畱充雜用約四年賞遍河北西路省到三十一萬五千

三百二十四貫六百三十六文費用二萬六千六百二

十六貫九百八十八文五百六十六都保除都副保正大

保長外見管一十四萬九千八十六人都保正三百一

十人都副保正五百九十一人副保正三百二十七人

大保長六千二百四十六人小保長一萬二千二百一十九人保丁一十三萬六千八百七十一人省到錢除費用合封樁二十八萬八千六百九十七貫六百五十六文約一名賞錢八貫每年用二十四萬貫賞三萬人餘四萬八千六百九十七貫六百五十九文畱充雜用約五年賞遍河東路省到二十萬八千六百二十七貫九百七十八文費用五萬五千六百九十九貫五十六文保甲六百四十九都保除都副保正大保長并義勇軍將校外見管一十五萬九千七百七十八人義勇將校三百二十人節級七百九十六人今並充小保長計數保甲都保正六百一十八人節級七百九十五人今並充保丁計數保甲都保正六百一十八人副保正五百九十四人大保長六千二十四人小保長

二萬二千八百六十一人保丁一十一萬八千八百一十八人省到錢除費用外合封樁一十五萬二千九百二十八貫九百二十二文約一名賞錢八貫每年用一十二萬貫賞一萬五千人餘三萬二千九百二十八貫零畱充雜用約十年賞遍永興軍等路省到三十八萬七百一十六貫七百四十九文九分九釐費用九萬四千四百九十九貫六百五十五文保甲八百三十四都保除都副保正大保長并義勇將校外見管一十五萬五千五百三十六人義勇將校六百八十八人節級一千四百四十八人今並充小保長計數長行二萬八千六百八十六人今並充保丁計數保甲都保正六百一十八人副保長七百七十八人保長六千五百六十五人小保長二萬一千五百八十一人保丁

一十萬三千八百六十五人省到錢除費用外合封樁
二十八萬六千二百一十七貫一百三十五文九分九釐
約一名賞錢八貫每年用二十四萬賞三萬人餘四
萬六千二百一十七貫一百三十五文九分九釐畱充
雜用約五年賞遍秦鳳等路省到一十八萬五千六百
八貫六百四十八文費用二萬七百五十五貫四百七
十六文保甲二百九十都保除都副保正大保長并義
勇將校外見管七萬六千三百五十五人義勇將校四
百一十四人節級八百三十九人今並充小保長計數長行一萬
八千四十三人今並充保丁計數保甲都保正二百八十一人
副保正二百七十七人大保長二千七百二十四人小
保長一萬五百一十五人保丁四萬六千九百五十八

人省到錢除費用外合封樁一十六萬四千八百五十
三貫一百七十二文約一名賞錢八貫每年用一十二
萬貫賞一萬五千人餘四萬四千八百五十三貫一百
七十二文畱充雜用約五年賞遍其河北所奏不行據

御集增入要見當時保甲措置條目實錄並無之五年九月十二日可參考

辛酉戶部言陝西諸路緣邊州軍城寨公使給官吏之
物欲並依例策以在市實直給價內酒數亦據酒材所
合醞升斗支給候物價平依舊其犒設給軍蕃部不用
此法從之 御史楊畏言樞密院左知客勾當西府周
克誠二月辛亥申本府以左右丞兩位修葺廳堂乞批
狀送工部下將作監今詳狀後批依所申乃止是蒲宗
孟王安禮簽書用尙書省印既不赴王珪蔡確書押又

不經開拆房行下至壬子酉時下工部工部案驗批稱
不候押先印發是夜四鼓巡兵下符將作監準格尙書
省掌受付六曹諸司文書舉省內綱紀程式又内外文
字申都省開拆房受左右司分定印日發付而工部式
修造有委所屬保明取旨有令申請相度指揮程式甚
嚴蓋不可亂尙書省職在舉之而已今克誠狀不由都
省宗孟安禮爲左右丞直判官依申用省印發之而王
珪蔡確百官之長初不承稟循私壞法無復綱紀大臣
如此何以輔人主正百官其工部既見狀無付受格式
而闕僕射簽書所宜執議稟白豈容略不省察又非倉
卒事故何致不俟郎官簽付而承行疾若星火媚權慢
法莫甚於斯伏望並加推治詔中丞黃履與楊畏等限

十日推究以聞楊畏仍不許避免 保章正馮士安等
言大內南景靈宮建神御殿西創尙書省緣大內爲陰
宅依經刑在西方禍在南方福在北方德在東方準二
宅經犯北則報南修東則治西今犯刑禍宜急治東北
則吉詔送祕書省祕書省言勒太史局眾官定士安等
所言修造乃私宅法今國家建神御殿尙書省經國體
相地宜擇時日而後致功其報治法不可用詔士安等
各降一資

壬戌分命輔臣祈晴 詔前提點廣東路刑獄林積降
一官以在任點檢軍器不精也 御史翟思言聞京西
轉運司下州縣責商人納紙官以小條印爲記紙輸一
錢人戶稅鈔非印紙不受朝廷理財固自有義蓋不如

是之苛也詔轉運司具析以聞已而轉運司奏如思所言乃詔止之 熙河蘭會經略安撫制置使李憲奏臣昨奏熙蘭岷通遠四州軍蕃兵地里相遠當逐處各為一軍庶就近易於團結仍得蕃情安便兼蘭州及定西管下新歸順蕃部數內強壯人馬甚眾亦當團結與四州軍蕃兵通作五軍庶緩急之際各有漢蕃兩軍相參為用乞且於熙河蘭會一路條畫以聞先次推行已蒙依奏臣今具條畫以謂蕃兵置將事貴簡而易行法貴詳而難犯臣今斟酌蕃情擬定條畫事法凡三門應五州軍各置都同總領蕃兵將二員並本州軍駐劄總領本州軍管內諸部族出戰蕃兵並供贍人馬仍各置管押蕃兵使臣十員內四員委本將選擇從經略使司審

察奏差餘六員許本將所在駐劄州軍於經略總管緣邊安撫司準備差使指揮及管下城寨關堡使臣內選擇兼充平居不妨本職遇有事宜出入將下一面勾抽總領將凡遇邊警稟帥司不及即與所駐劄州軍守臣正兵將副及管勾緣邊安撫司官共審度如可禦敵即遣漢蕃兩將人馬共力枝梧若輒分彼我致有誤事即依節制法均責仍一面具事宜申經略司諸將各於所管蕃部內籍善探事人姓名以備遣使所探到事除申經略司外仍與駐劄州軍正兵將副互相關報蕃部公事干本將即許都同總領將施行餘依舊經略經制緣邊安撫司所屬州軍行遣總領將係知州軍兼領而應巡按蒐閱者許權交割州軍事與通判輪出諸將下管

續資治通鑑長編 卷三百三十七 十一

新舊通鑑長編卷三百三十一
勾部族近上蕃官遇點集出入與管押蕃兵使臣參領所管本族兵馬諸將駐劄州軍及轄下關城堡寨如於本將職事不協力沮害事法內城寨官許同總領將奏劾施行州軍當職官卽具事狀聞奏出戰蕃兵自備人馬衣甲器械數目令將官置籍因巡按蒐閱點檢出帶衣甲器械令將官預修備除逐族蕃兵有自備外其所闕及合用旂號申經略司計置仍置庫拘收遇點集據闕給借蕃兵自來輪差在緣邊巡綽坐團卓望者聽依舊例差撥出戰蕃兵凡以事故出外令關白本族蕃官仍不得出本州軍界其蕃兵下供贍人數內有壯勇堪充出戰者許臨時揀選抵替不得力蕃兵諸將遇出兵許選勁騎充踏白馬官押蕃使臣蕃官諸司副使以上

不以親手斬獲首級數計功依正兵隊獲首級分數論賞五州軍出戰蕃兵人馬自爲一將遇出戰卽以正兵繼蕃兵其旗幟與本州軍正兵旗身同色旗腳以間色爲別已上謂之職分門出戰蕃兵分爲四等以膽勇武藝卓然者爲奇兵以有戰功武藝精熟者爲第一等以未嘗立功而武藝精熟者爲第二等以武藝生疎者爲第三等委逐族蕃官首領依格推排總領將別置籍依等第單名拘管遇有增減於簿內開收諸將出戰蕃兵分爲左右前後四部遇點集出入逐族各隨所屬蕃官每部差管押蕃兵使臣二人毋得將一族人馬分入兩部總領每季分詣逐族就近點閱止隨蕃兵所習按試如第一等內武藝卓然者別爲一等充奇兵每將以二

百人爲額第二等內出眾者陞爲第一等每將以三百人爲額第三等內出眾者陞爲第二等每將以五百人爲額候點閱訖等第支賞并酒食犒設奇兵支銀碗第一等第二等支銀牒有差選充奇兵及第一等第二等者并支顏色戰衣袍并絲勒巾以鼓激眾心蕃兵就委本族蕃官首領教閱遇將官巡按如武藝精熟人馬驍銳出眾卽令將官保明申經略司旌賞總領將并管押使臣如能說蕃官首領糾出未充蕃丁之家及招募人馬有增數者理爲勞績歲終委經略司據所增申奏以千人爲率每一馬仍當一人每增及二百人已上總領將減磨勘三年使臣減磨勘二年若有逃亡虧數每一百人將官展磨勘三年使臣展磨勘二年諸族都管蕃

官如於本族根括及招募到人馬歲終委將官具所增數申經略司酬賞出戰部落子人馬不結入四部於蕃兵籍內別拘收遇出戰卽別爲一流所有教閱將官巡按陞進等第特支管犒之類並如蕃兵法諸州軍出戰部落子人馬在熙蘭岷通遠四州軍住坐者並隸逐州軍總領將就便巡按蒐閱其河州雖有管押部落子將亦合隸總領將因巡按點閱蕃兵內有年老或病患不堪征役之人令本家少壯人丁承替者卽時於籍內改正姓名每季分詣點閱畢具所管部族有無增減人馬數申經略司考較聞奏已上謂之蒐閱門蕃官首領根括募到族下人馬每季及歲會具所增數目及教習族下人馬精銳合係經略司支賞者本司預具數乞支降

委官置庫主管如別移用以違制論係籍出戰蕃兵通
所管部落子一千人以上不滿二千人每年支公使錢
一千貫二千人以上不滿三千人支二千貫三千人以
上支三千貫止以係省錢充仍分上下半年各並委總
領將從宜支使諸將合用酒許於駐劄州軍寄造諸將
公使庫錢物許駐劄州軍正兵將下選差員寮十將等
給役使仍於本將差押蕃兵使臣主管公使庫諸將如
遇點集出入或巡按點閱部族所在州軍城寨議公事
集蕃官及犒設蕃部並許支破酒食以公使錢非理費
用及別有饋送論如監主自盜法總領將遇軍行於駐
劄州軍將下出戰士兵或漢弓箭手內差馬軍二隊充
帶器械馬隨行蕃兵將各置行遣吏人等取受財並依

河倉法諸將許於諸軍內差譯語官十人仍於漢弓箭
手內更差十人諸將許差醫人醫獸如遇軍行差都教
頭壕寨擊金鼓人執門角旗人數有差諸將籍定出戰
蕃兵除緩急事宜及逐季點閱外並不得別差使如違
以違制論不以赦降原免諸將並管押使臣如因巡教
點集受蕃官已下獻送論如監主自盜法已上謂之雜
條門並從之五年十一月癸丑當參考當止用墨本別
李憲言竊以選治蕃兵分置將領事本簡而易行法貴
詳而難犯臣今對酌蕃情擬定條畫事法諸五州軍各
置都同總領臣蕃兵將二員本州駐劄總領本州管內諸
部族出戰蕃兵供贍人馬各置管押蕃兵使臣十人四
員委本將選擇從經略司審察奏差六員許本將所在
駐劄州軍諸司使臣內選擇兼充平居不妨本職緩急
事宜出入將下一面勾抽凡遇邊報警急申稟帥司不
及即與守臣正兵將副及管勾緣邊安撫司官同審度
如可禦敵即漢蕃兩將兵對酌事勢共力枝梧若輒分
彼我致有誤事即依節制法諸蕃部公事如事干本將

即許都同總領將施行諸將駐劄州軍及轄下關城堡
寨如于本將職事委不協力沮害事法城寨官許同總
領將奏劾州軍當職官不以親斬獲級數計功依正兵隊
蕃官諸司副使賞以上五州軍出戰蕃兵自為一將其部
伍常以正戰功武蕃兵分爲四等第一等以武藝卓然者爲
別以所管出戰功武蕃兵分爲四等第一等以武藝卓然者爲
兵以有戰功武蕃兵分爲四等第一等以武藝卓然者爲
熟者爲第二等以武藝精熟者爲第三等以武藝未立功武藝精
領依格推排前後統都同總領將別置籍依等第逐族蕃官首
分爲左右前後統都同總領將別置籍依等第逐族蕃官首
蕃官每部差管押蕃兵出戰蕃臣二入逐族不得將一各隨所屬
人馬將分入兩部按如諸族出戰蕃臣二入逐族不得將一各隨所屬
將官保明申經略司賞諸蕃部同武藝精熟者爲第一等以武藝未立功武藝精
蕃兵使募人如能說諭蕃官首領推排根括未充蕃丁管押
家及二百人以上馬有增數者領將磨勘三年管押使臣每增
及二年若有逃亡及同總領將磨勘三年管押使臣每增
二使臣若二年諸出戰及百人將官磨勘三年管押使臣每增
籍內別到緩急出戰自爲一隊巡按陞進等第特支犒
設之類並如蕃兵法諸將係籍出戰蕃兵通所管都部
落子千人以上歲給公使錢千緡從之
以二千緡三千人使錢千緡從之
錄故右班

殿直席涓子九璋爲借職以涓隨涇原軍出界死事故

也

甲子召輔臣觀穀於後苑 朝散郎守左司郎中吳雍

直龍圖閣河北路轉運使兼措置糴便於是寶文閣待

制蹇周輔自河北都轉運使召爲戶部侍郎命雍代之

都司除職自雍始周輔言司農市易淤田水利司所糴

散在並邊距定瀛新倉遠請以所糴予轉運司而收其

直從之 食貨志係此事于八月呂公著云後公著云

云官制行吳雍以左司郎中出爲河北都漕是時神宗

方經營北敵有巡幸意密以委雍乃除直龍圖閣都司

除職自雍始其後文及甫自吏部外郎以漕公擢曹

州乘氏縣尉李駟爲宣義郎賜緋章服知宛句縣賞殺
獲強盜及十八人也

乙丑前西頭供奉官閤門祇候童政復舊官職以逮事
英宗藩邸也政坐權廉欽州沿海戰棹都巡檢擅去官
守經赦當原特勒停於敘法外展三朞至是復之錄
如京副使費萬婚桂州助教歐陽適為三班借職以上
批萬忠勇死事其孤無所歸特錄之御集知州熊本言
狀夫如京副使費萬昨任略司帖追赴州救應闕敵被賊
明勒停請闕披雪準經略乞與夫助教歐陽適換班
殺害只得男一名借職乞與夫助教歐陽適換班
行更乞推恩二女竊謂萬之得罪固不足矜而奮不顧
身力圖自贖捐命邊徼實可傷閔雖緣停替減等尚未
盡朝廷厚死恤孤之意伏望聖慈詳察更賜指揮御批
費萬忠勇死事實可矜閔今遺孤流落嶺外未有可歸
之計在朝廷所宜加恤可更與二人恩澤一借職一差
使元豐六年 供備庫使趙思齊領榮州刺史思齊勾
當皇城司任滿法當遷官詔以思齊普曾孫之長特除
之他人毋得援例此據御集

丁卯詔六曹文書稽程朝旨按劾每五次本房職級案
後收坐等第畫罰 河東轉運司言歲甚豐糧草價賤
諸府州見在朝省封椿錢約十萬緡乞付本司補助糴
買詔河東難得豐歲可依所乞外更擘畫應副 詔保
甲依條放免後若武藝及等願投軍者四十以下減一
指三十以下減二指除例物外增錢二千

戊辰百官赴太廟奏告上徽號於仁宗英宗室 增宜
州公使錢為二千緡以犒設蠻人闕乏故也

辛未詔自今宰臣執政官轉廳除支賜外其使臣等恩
澤並減半此據御集 御史翟思言康州舊以土地瘠

薄人不耕佃往年高賦知州招集流民自更請射依鄉
原例起稅凡百畝之田以四畝出賦自是稍稍墾治殆

無曠土聞轉運司近以土闢民庶百畝之賦增至二十
畝民情騷然且流民披榛開荒樂於安土者特幸稅輕
有足自養今土雖稍闢而利薄民雖差庶而未富官既
多收則私養不足其勢恐至於轉徙如是則不惟所增
之賦爲虛額亦恐失當入之數伏望申敕使者如合增
稅卽量加分數庶使新集之民得以安業戶部乞下轉
運司相度以聞從之 詔河東路提舉保甲客省副使
王崇拯同提舉承議郎集賢校理黃廉勾當公事供備
庫副使宋宣及監教使臣九人各遷一資以集教保甲
武藝及九分故也 知渭州盧秉言昨遣兵出界供奉
官姚雄往來計會張世矩等攻討次第致獲全勝乞與
遷一官從之雄兒子也 上批夏國請睦使還未逾旬

日復差使副謝恩觀其意頗急遽必有姦謀可令陝西
河東經略安撫司指揮緣邊官守遠設斥候勿令少失
枝梧

壬申知延州劉昌祚言乞量減鹽牧司年額馬數增買
四尺四寸以上堪披甲馬增置馬軍蕃落從之仍於河
中府第八將下左右蕃增置馬軍三指揮於本將步軍
額除之昌祚言軍事之先莫如馬政人雖千百可招呼
而集馬雖十數甯可容易而得須是素養有備乃可應
敵加以鄜延比之諸路難以蓄牧非產馬之地永樂一
日失六十匹不知平時力用幾日費用幾何能集是數
以累不貲之財力失於頃刻之間甯不惜哉俗謂人強
馬壯若能如此可謂兩全倘若強弱不齊適足爲累故

馳逐應急取勝非馬不能今監牧司所賦率低小病患不應格式乞豫支緡錢委逐將自置仍增直至四五十千得旨特許行郵延一路昌祚以郵延邊面東自義合西至德靜綿互七百里堡寨大小五十餘疎密緊慢不齊烽燧不相應乃立為定式凡耕墾訓練戰守屯戍度強弱分地望圖山川形勢上之上嘉納兵志云十月知延州劉昌祚請減監牧司年額馬增直市四尺四寸以上堪披甲馬增置馬軍蕃落雷沙苑監捧日馬為馬種從之雷馬種在九月十三日

續資治通鑑長編卷三百三十七終

續資治通鑑長編卷三百三十八

宋 李燾 撰

神宗

八月甲戌朔永興等路提舉司言安撫司近出公據錢二十萬緡召人入便每百緡貼納錢十千本司相度除緣邊州軍外欲依安撫司例施行從之 戶部言開封府界諸縣積欠坊場錢雖令賣產抵當累歲無買者乞拘收見欠及三分以上產業估價折納入官從之 陝西轉運司言同州韓城縣山鐵礦苗脈深厚可置錢監及渭州華亭縣博濟監因循廢罷欲於黃石河鑄冶務復置監廢秦隴州鐵監從之 嘉州刺史任澤卒上幸其第奠之贈昭信軍節度使諡恭僖後又賜澤墳寺為

旌孝禪院歲度僧二人紫衣或師號一人
乙亥知桂州熊本言提點刑獄彭次雲所乞禁馬戰之
術不使入外域及招馬軍責保詢鄉貫並乞令邕州馬
軍於桂州習學輪赴邕州防拓竊詳馬戰之法所從來
遠交趾界有馬可用未禁以前應用馬戰桂州至邕州
十八驛不惟道途往復勞費南方夏秋毒暑烟瘴使之
涉歷山川人馬俱敝恐不可施行乞自今本路招刺馬
軍依近降五路招軍法從之六月戊申詔今後執政
官除拜赴景靈宮恭謝差閣門祇候或看班祇候一員
禮直官一名隨逐入殿引揖祇應密記八月
丙子詔開封府界河北東西河東路團教保甲宜自來
年為首依番次遣官案閱仍每至正月具當案州縣都

保先下提舉保甲司專責文臣豫約所用銀絹以備行
賞不得臨時乞於他司假借水部員外郎王諤言滑
州河水正向南岸魚池埽所以每歲危急乞於北岸開
展簽隄於河道使闊則水勢順詔都水監丞陳祐甫相
視以聞已而祐甫言開展簽隄馬頭地步稍闊即難繫
浮梁今埽後舊有直隄一道若就來歲春天修築使加
高闊以禦向著水勢實為長利從之權發遣郵延路
經略安撫司公事劉昌祚言比有寨主部將等闕無得
力官可差乞下吏部選差曾經邊事使臣三十人至本
司許量人材次第奏差從之詔御史勘公事權罷本
職不得與在外官吏往還從中丞黃履奏也履言本臺
推鞠公事至有逾年而後畢者迂為行遣以致淹久欲

續通鑑長編卷二百三十一

自今本臺獨勘或外官同勘並令宿直仍罷本職不與
 在外官吏交往而吏人食直隨獄大小立以三等為之
 給式大者三十日中者二十日小者十日過此雖獄
 畢亦不給而官員食緡亦少裁損詔尚書省立法送中
 書省取旨食直當考行否又詔以四后升祔禮畢賜陪祠羣
 臣宴於尚書省新紀于丙子日書宴升祔陪祠官舊紀不書
 己卯太白晝見兩紀並知河陽太中大夫張問言齒
 髮遲暮乞提舉崇福宮上批如藩郡見今無闕即依所
 請乃徙之潞州 詔定州新倉月糴糧數甚多恐推行
 糴法未至及監糴官非其人可速下本司檢案 詔聞
 契丹遣人使夏國及總噶爾慮是西人干求契丹欲因
 和解董戩可下李憲選使臣開諭董戩鄂特凌古以契

丹與總噶爾相去極遠利害不能相及合監守前後要
 約協力出兵攻討西賊 江淮等路發運副使蔣之奇
 言長淮洪澤河實可開治願亟興工詔陳祐甫相視以
 聞十一月己巳陝西路轉運副使范純粹奏準朝旨
 指揮令河東路轉運判官蔡煜每年入中或移稅糴從
 便計置粗細色斛斗一十萬石於吳堡寨永甯關椿積
 今轉運司計置腳乘津般前去米脂寨等處吳堡僻在
 河外又深近賊界往來雖遠未便今永甯關自開拓邊
 面已來卻在近裏本關自有橋渡與河東晉絳石隰州
 相望若令河東轉運司於石隰晉絳等州擇與本路順
 便處就近支撥斛斗除五萬石依舊永甯關納外將合
 赴吳堡寨納五萬石由永甯關赴青澗城納一則免侵

續通志卷三十三 二

近賊界一則免僱腳般運之費上批純粹奏請允當宜

火急與指揮此據御集九月七日

庚辰上批聞有百姓朱六言河北轉運使蹇周輔建議

於河北借支元豐庫官錢修倉卻於在京降度僧牒撥

還其管勾官先以牒賒賣於賈人湯七而周輔子承務

郎逢辰乃與湯七以官錢為子本販易令御史臺照會

施行先是少府監修製官宋世隆攬載定州糴買糧草

錢輒移易自用而逢辰復私貸錢於世隆有旨送大理

寺推勘尋以獄官妨礙移御史臺及是復有言逢辰貸

度牒事者故就令劾之十月丁丑罷思劾周輔二子禁

以下朱本增兩浙轉運司言犯盜徒五百里外州軍

無放還法乞比移鄉人例故從便從之入新本削去上批鄜延路

第七將李師古奏出師城築山界有大害者三乞赴闕

面論事其狀已降付三省樞密院宜速處分令其所欲

論事狀親書入急遞聞奏此據御集要湖北轉運都

鈐轄司奏為權知誠州周士隆乞先且鈔劄新割過地

林大由楊溪古鐵烏耳等處戶口別作一等量行犒賞

外其西道候烏耳等處了當方行鈔劄撫納兩司保明

委是利便從之密記七日事要見烏耳西道經始

辛巳將作監丞宋彭年為將作少監上以彭年能發蒲

宗孟修西府事特擢之詔濮安懿王任夫人父贈左

監門衛將軍周贈甯國軍節度使母仙源縣太君張氏

封遂國夫人兄守固贈資州防禦使守沂贈昭州防禦

使詔差府界第二將京西第四將赴鄜延路京西第

續資治通鑑長編卷三百三十八

三將赴河東路以兩路言牒報邊警乞增兵也仍令劉昌祚王君卿如邊警未急卽且以所差將兵於近裏易得糧草州軍駐劄以備勾抽 鄜延路經略司勾當公事曹輔乞陝西諸路戶絕及官田產不出賣選官置局於民分種下陝西轉運提舉司同具利害以聞旣而不行 熙河蘭會路經略制置司李憲言本路雖有九將之名其實多闕數緩急不給驅策又漢蕃兵馬雜爲一軍今未論出戰而其它爲害已多蓋由漢蕃語言不通部分居止以至飲食悉皆不便非李靖所謂蕃落自爲一法之意臣今至熙州已各定五軍將副及都同總領蕃兵將用逐州軍正兵漢弓箭手各爲一軍其蕃兵亦各爲一軍臨敵之際須至首用蕃兵次用漢兵繼之庶

氣勢相臨雖遇堅敵亦無退卻之患兼不妨漢蕃迭相爲用欲乞將本路正兵漢弓箭手只爲五將所貴軍分整足兼可減并將副及部將員數從之 詔按閱開封府界將兵賞物並支封椿禁軍闕額錢 陝西轉運司言準樞密院劄子陝虢華耀曾經運糧入界收身不到並被傷身死人兵等並第賜絹緣本路闕少物帛欲乞支賜價錢從之

壬午劉昌祚言已牒副總管姚兕領兵駐延州龍安寨又慮賊揚聲出本路而或欲由他路入寇已令逐將伺候若賊分兵往別路卽令出其不意會合攻討詔昌祚分兵駐劄人數畸零若西賊併兵爲寇恐不足枝梧可用呂惠卿分將條約各定戰守之兵無令勢分見露寡

弱遇賊入寇須度眾寡戰必取勝或但能堅壁使賊無所侵略亦足困敵兵以此戒敕諸將 上批吏部尚書李清臣依先面諭編進本部見隸籍承務郎已上鄉貫出身歷任及所歷差遣功過自為備選具員凡十冊於朝廷官使人材實亦有助宜令依本錄上中書省照用 詔自今戶部考較提舉官功過係上下等送中書省

取旨

癸未宣德郎陳師錫蹇序辰承事郎太僕寺丞趙帆並為監察御史帆以父抃年高無兼侍乞免從之序辰周輔子師錫建陽人也

甲子手詔付劉昌祚得卿奏布置本路禦賊次第甚善已發開封府界兩將兵往賊若更無和意必欲竭盡死

力爭占新疆則勢終不可安帖用兵特有遲速爾卿宜博訪昨經永樂圍閉之人索賊方略意外大作隄防料賊非舉國之眾安敢輕入萬一分兵圍守新寨以勁騎數萬直趨延州則兵將分部隔絕或失常山之勢又將副人材能否不齊若輕舉動為賊所沮即傷一路士氣滋賊凶欲宜更圖長策 賜河中府度僧牒二百八十修浮橋隄岸 權發遣河北轉運使吳雍言糴便及創行鹽法須官吏協力乞許不拘常制奏名遷差從之 提舉經度制置牧馬司言已遣官往諸路選買牝壯馬上京乞逐路專責監司一員提舉從之令諸路差提點刑獄官開封府界差提點官 知麟州訾虎等奏乞豫指揮如西賊果入寇令諸路乘虛進討詔麟府路軍馬

司指揮如本路及別路關報委有賊馬犯邊即依所奏
 乙酉詔付劉昌祚所策西人舉國入寇本路及朝廷措
 置已悉惟憂緩急賊至將官希功輕出擊賊若有挫衄
 則所繫不小切宜痛自戒約蓋賊之點集在彼極不易
 為力狂謀僥倖一勝大有擄略乃可自償我能堅壁清
 野使賊空來不如欲而退則在我已為全勝矣更可嚴
 敕諸將勿希奇功前行去宥州牒本止是經略司準朝
 旨許夏國通和後本司行遣不謂西人以為朝廷處分
 致使人猶豫不進卿更宜多方開釋之但得使者入界
 遷延歲月則彼師可老我稼既登乃朝廷意也
 當 奉議郎試起居郎蔡京為遼主生辰使西上閣門
 使狄詠副之承議郎駕部郎中吳安持為正旦使供備

庫使趙思明副之

北面黃旗事可附此蔡條北征紀實

起居郎借諫議大夫副以西上閣門使狄詠副之
 孫朝後乃天祚也魯公即力辭曰使再三力邀不
 之好禮既畢矣則魯公始曰使再三力邀不
 詰其故欲分上畔老矣當與北朝事其主上親及
 孫今亦欲分上畔老矣當與北朝事其主上親及
 患難相救疾病所相扶也魯公始曰使再三力邀不
 未至國門疾信內批語錄先上神宗使殿讀之朝
 得使深加稱獎因問敵卿等事如何可取鬢爭佩
 臣宗深加稱獎因問敵卿等事如何可取鬢爭佩
 臣奢淫若此未可取鬢爭佩
 謂何植之若此未可取鬢爭佩
 號令必行故臣語魯公曰可觀其神宗使殿讀之朝
 忠懷承相確弟已語魯公曰可觀其神宗使殿讀之朝
 北人游說吾弟已語魯公曰可觀其神宗使殿讀之朝
 語自忠懷弟已語魯公曰可觀其神宗使殿讀之朝
 黃旗事可附此蔡條北征紀實

黃旗事可附此蔡條北征紀實

懷又曰吾弟可少安翌日為魯公奏留而神宗可之日
必是蔡某得安石議論安石臨行嘗戒朕以此魯公後
每日實未始聞介甫之語也故黃旂事獨上舊志
悉之他人亦多不知也此事必條飾說姑存之
湖北已許招置巡檢士兵令湖南鈐轄轉運提點刑獄
司同議依湖北例招置可否以聞 前桐城縣尉周鏐
上書言四事其一言朝廷已赦西夏許修職貢戒邊吏
勿妄出兵慮夏入寇邊吏或守詔書不出禦敵其二言
都城已為崇墉深池非百步之間設為樓櫓則不足以
備不虞其三欲罷試太學博士止選於教官教官則選
試於上舍內舍及改科以來有出身進士其四乞嚴太
學補試之法士嘗豫鄉書者不必補而後入詔中書省
記姓名上日閱甄函小臣所言利害無不詳覽如此
都提舉汴河隄岸司奏修置水磨畫一乞禁止茶鋪戶

入米豆外料等伴和米茶募告者一兩賞三貫及一斤
十貫至五十貫上從之此據鹽册八月十二日敕要考

六年二月二十七日以初置水磨月日又七年二月

丙戌知荆南謝麟言麟以七月十七日除荆南代孫頌

改涇邕宜欽廉州及沿邊堡寨屯戍之地皆無二年之

蓄乞乘此豐歲更給度僧牒付廣東廣西湖南轉運司

令應副宜州蠻事之餘於廣西等路近便州縣糴糧沿

流運往廣西封樁從之其度牒每歲止給五百限五年

止其應副蠻事止付廣西路經略司日可考 眞定府

定州路都總管司走馬承受陸中言祁定州差禁軍防

送罪人有違配法手詔朝廷新造法度頒行之初既已

明悉若有司尚敢不遵稟理須痛與懲治以肅慢令之

人宜下提點刑獄李甯劾違法官吏縱逢非次赦恩不

原十月二十一日先是定州以教保甲修城池建太倉

中使旁午於道呂公著預戒有司謹飭餼勞然公著素

靜重寡言接對有常禮初無所假借以是至者多不樂

中被旨市絲五萬兩供尙方已而中復獻計增市詔以

付定州公著停其詔上言日前所市者皆先期給緡錢

故民力猶可辦今已涉深夏民間漸就機織以備輸納

若倉卒再行收市人將受其害上悟即詔公著寢其事

中又受旨專董倉役日使人持梃立城西門民有以車

乘輦薪蒸鬻城中者皆強致之倉所以供陶甃城中幾

廢爨公著命擒中所遣卒盡杖之一城歡呼公著之未

至也中受命經始倉役即壞民居毀僧舍民有葬於倉

西者中改築垣直其域中民號泣發其墓持喪而去其

所占地蓋廣矣然不足於素慮者猶二百五十二楹中

因請別度地建小倉以足之公著曰今二大倉所受已

不貲若又益一小倉徒費公私無益也奏罷之中既數

被沮因借是以報怨云 詔自今小祠亦供冰鑑從監

祭白帝御史翟思請也

丁亥權河北緣邊安撫司李諒言今歲沿邊秋稼倍稔

宜乘此價賤廣儲蓄實邊而近覩措置司所得朝旨乃

令每年止糴二麥外自餘并住糴仍禁民間私糴臣竊

詳立法之意但欲盡歸新倉況中下之家田收至少盡

赴二州中糴則所得贏餘不償腳乘仍禁民間私糴明

慮因緣為姦分散糧穀出外不若乘此秋成逐州軍廣

謀收羅封椿欲更於羅官講求利害條奏詔措置河北
羅便司如比去歲羅價賤三分之一卽於緣邊以時廣
羅廣南西路經略司言乞優卹澄海十將馬雅妻子
詔馬雅子求賜絹百匹初雅爲交人所獲脫身走與追
兵鬪得歸已推恩遷三資未受命而死故也
戊子手詔劉昌祚據牒報西賊點集甚眾邈川一帶舊
於蘭州報事主入蕃部例赴點集計賊眾三四十萬理
必有之雖不悉爲可戰之人眾寡十倍不可戰明矣羌
賊喜分輕兵誘近裏軍馬將官等僥倖小勝多食彼餌
前逢大敵便致覆軍卿宜深戒之但令分布堅守俟彼
師老氣墮然後雲合諸將奮擊仍慮賊馬旣眾意在必
得新復數寨多爲番次晝夜攻圍盡城中矢石以爲困

我之策則準備之方卿更宜善圖之 權提點秦鳳等
路刑獄呂溫卿言臣近權秦州點檢將下軍馬武藝生
疎人材尪弱多不可出戰及本州自今年正月至七月
禁軍逃亡三千三百八十二人詢考其故蓋廂軍皆團
結而自今歲差蕃落等禁軍接送防護當直者計千餘
人神勇等禁軍防送罪人者計二千餘人邊州物貴行
路糜費尤甚用此預借請受破用軍裝飢瘦逃亡轉爲
寇盜臣謂朝廷置將領養士卒費不爲少本以備邊而
乃役使勞苦以致罷敝如此欲乞應陝西路諸州軍並
許常留廂軍二百人節鎮三百人以備差使其諸州將
下土兵並令逐路經略安撫司委將副親選分二等以
人材武藝高強膽勇有功者爲一等不許差出材藝低

下而嘗有過者爲一等卽依條差使各結爲隊伍如此則勇者知勸懦者知勉歲月之間軍聲必振從之令本路先施行

辛卯詔中大夫尚書左丞蒲宗孟守本官知汝州工部侍郎王克臣將作少監鍾浚各罰銅二十斤工部郎中范子奇員外郎高遵惠將作監丞韓玠各罰銅十斤宗孟坐違法繕治西府克臣子奇遵惠承都省批狀修造不經左右僕射書押乃卽施行浚坐違法不分緊慢修造而玠爲從及不趣行遣故有是責於是宰臣王珪蔡確各罰銅八斤右丞王安禮罰銅十斤皆以案後收坐會赦特旨也珪等初皆納尚書省印家居待罪詔遣內侍復以印付珪等乃出視事先是宰執同對上有無人

材之歎宗孟對曰人材半爲司馬光以邪說壞之上不語正視宗孟久之宗孟懼甚無以爲容上復曰蒲宗孟乃不取司馬光耶司馬光者未論別事其辭樞密副使朕自卽位以來惟見此一人他人則雖迫之使去亦不肯矣又因泛論古今人物宗孟盛稱楊雄之賢上作色言楊雄著劇秦美新不佳也他日宗孟又因奏書請官屬恩上曰所修書謬甚無恩宗孟又引例書局儀鸞司等當賜帛上以小故未答王安禮進曰修書謬儀鸞司等人恐不預上爲之笑罷朝安禮戲宗孟曰楊雄爲公坐累舊紀書宗孟治府第違法罷知汝州新紀不書因依尚書右丞王安禮爲尚書左丞朝散大夫吏部尚書李清臣爲中大夫尚書右丞端明殿學士知鄆州曾孝寬爲吏部尚書 詔朝

散大夫前知徐州趙鼎勒停坐以買箔為名差人船載

家屬應徒二年私罪會赦特責之趙彥若誌鼎墓云鼎知徐州發滕蕭倉粟

以救飢人所全活甚眾轉運使吳居厚獻計權利國監鐵廉鼎沮議索綱船中得菴籠誣以成獄坐免

御史翟思言大理寺勘斷竊盜案問減等不給賞謂宜

法令告捕竊盜雖案問減等並隨減至所斷罪各給賞

從之

壬辰奉議郎劉拯宣德郎廣安安惇並守監察御史前

見批聞開封府界巡檢下所用器仗鈍弊不可應

敵宜令提舉官范岫具析合用名件以聞環慶路經

略使趙鹵乞神臂弓二千箭二十萬詔止給其半

癸巳詔東頭供奉官致仕胡格落致仕為廣西路經略

司準備差使以經略司薦格計議辨正歸化順安州疆

界有勞也

甲午宣德郎南豐朱京為監察御史京言御史臺假之

則重略之則輕今耳目之司屢進屢卻則是言者不若

靜默之為賢直者不若柔從之為智偷安取容雖得此

百數何與國事耶他日入見上勞之曰昨覽奏疏其補

多矣凡臺臣每奏事必豫告閤門得班然後入既請對

以名聞矣翌日有截班入覲者乃退還臺及引見羣臣

問朱京安在左右以實對有詔促之辰漏且盡畱仗良

久此據朱京傳增入傳云擢監察御史未踰月詔許專

謂舒實也它御史則不知孰謂又京為御史時察官皆詔宣德郎前鄜延路經略司管勾機宜文字徐勳特

除名文思副使前鄜延路走馬承受楊元孫右侍禁安

續資治通鑑長編卷三百三十一

撫司管勾文字劉航左班殿直閣門祇候種樸各追一
官勒停樸仍落閣門祇候文思使李珪內殿崇班李彥
申東頭供奉官安合右侍禁楊達右班殿直劉伯初宣
義郎監延州鹽稅鍾正範各罰銅有差勳以虛詐鄜延
經略使種諤未病困已前奏狀舉彥申等差遣仍偽學
諤書名及盜用印元孫私役人航樸各奏事不實珪等
各告囑差遣并報上不實大理寺上其獄故責及之於
是安合等已得差遣恩例亦令改正四月二十一日丙寅五月十八日癸巳
已見種諤死鄜延其屬有徐勳者盜用經略司印調發
相見種諤死鄜延其屬有徐勳者盜用經略司印調發
兵馬奏舉官吏幾何而不為亂也可命所在斬之王安
禮曰矯用印官若有罪當帥臣新亡其處報機急容有
前期草定而未發者一旦用之以追成其志與夫竊發
于平時以規其私者則有間矣願下于理以從吏議上
曰卿獨安取此豈以勳文吏故且大臣有薦之者而善
為之地然則韓存寶何罪安禮曰臣不識徐勳而存寶

之罪所未諭也陛下以存寶為非罪而就戮則如勳者
尚可效尤耶上漢曰朕平生未嘗作快意事如卿兄安
石不斬沈起至今有遺恨章惇曰快意事豈宜作于是
遣御史劾起所在繫獄既又赦御史曰敢出勳罪者以
重論之安禮曰臣欲有所請願于詔語出字下增一入
字則于文為完其後動坐抵罪止于奪一官蔡確伺上
意請投諸荒裔安禮曰陛下察知勳情付之於法而確
有此舉不過乘陛下前日之怒耳確報然恨之田畫作
王安禮行狀云爾徐勳奪錄文思副使張仲謀子建
一官與實錄不合當考
補入內高品以仲謀隨軍出界死事故也詔軍頭司
自今諸路解發到武藝高強兵級雖有減退如尚在同
解發武藝最下之人上者並依元豐令施行賜環慶
路經略司度僧牒千令買錢十三萬緡別封椿陝西
轉運司言軍興後初經郊賞望於本路所管封椿錢并
銅錢監本錢內支見錢二十萬緡既而戶部止乞支永
興軍鑄錢監封椿銅錫本錢十萬緡如不足貼支華州

陝府錢監銅錫本錢仍不爲例從之

乙未詔都水使者范子淵追一官知河陽軍張問罰銅二十斤先是子淵獻議役五萬人開修溫縣大河陂直河以回河流旣而雨水瘴疫繼作死亡者甚衆問奏人夫艱苦乞罷役而子淵乃抵言全不難苦及漏奏死亡夫數不實於是詔御史臺取勘而問所奏亦有誤故并責之 禮部言國子監擅令主簿管勾錢庫收支監丞葉祖洽旣準本監牒請監視開閉庫又再申令主簿管勾詔司業通直郎朱服丞奉議郎葉祖洽主簿承議郎王元各降一官差遣如故祖洽仍罰銅二十斤又言朝奉郎胡宗炎言伏見永安陵畢功又增修永昌諸陵竊聞陵寢無修造法乞寢罷準朝旨令本部太常寺祕書

省太史局詳議檢會唐故事有修營之理今永安陵下宮修造更自朝廷詳酌詔依前降指揮興造

丙申詔梓州路昨因瀘州邊事隨軍般運工築正夫之家依曲赦放免役錢外其餘雇人工役之家放一料役錢五分沿流州縣被差夫與羸馬外更差雇舟船水手之家加放一分從轉運提舉司請也

丁酉以皇城使榮州團練使和斌爲西上閤門使知邕州兼東南第十三將正月二十日二月十四日此可刪廣南西路高

梧貴州澄海指揮各增招百人朱崖軍二百人並以四百人爲額

戊戌姚麟言昨開噶平摧鋒破陣將郝英隊下使臣孫茂宗及騎兵乞推恩詔郝英遷一官孫茂宗等十二人

各減磨勘二年騎兵百人各支絹五匹 太常寺言祠
令歲以春秋仲月奉祀帝陶唐氏於鄆州以司徒離配
而鄆州堯帝廟乃無陵寢亦無古跡乞從知濮州范子
諒所言移兩祭於雷澤縣堯帝廟從之

己亥知成都府呂大防言歲額上供錦豫支絲紅花工
直與機戶雇織多苦惡欠負昨創令軍匠八十人織比
舊費省而工善今先織細法錦及透背鹿胎樣進呈乞
換充本府機院工匠詔成都府創用軍工織錦比較以
前機法精好兼省工直並依所奏

朱本以為事小不足記削去

庚子詔提舉保甲司三路比轉運司提舉視轉運使同
提舉視副使同管勾視判官開封府界比提點司提舉
視提點官同提舉視三路同管勾官並無監司其人從

舉官恩數等並依所視職任內武臣教閱文臣催驅收
支錢物各不得侵紊 提舉河東路保甲王崇拯乞自

今差使民兵以武藝優劣高下立為力役之制逐司不
得擅差撥詔樞密承旨司著為令其後承旨司言五路
保甲非次欲差使乞關本司相度指揮訖收奏仍須量
人材所宜稱事差撥若擅差者徒二年從之 詔聞知

豐州王餘應非守邊之才令河東路經略司體量緩急
堪與不堪倚仗以聞 前河北都轉運使兼措置糴便

蹇周輔言司農寺市易淤田水利等司自來所計置糧

穀並散在緣邊及近裏州縣其間七分白米然各去定
瀛州遠難運入新倉今緣邊州軍闕米轉運司見收糴
乞以此米兌糴於逐司令還價錢卻令措置糴便司依

舊羅九分白米從之神宗云米便要當檢附已附

定州路安撫使呂公著言河朔秋稔異於常歲定州所

修衍積寶盈二倉已成乞申敕措置羅便司比在市量

增直參用見錢文鈔廣羅然據新倉見羅白米須九分

以上太求精鑿則民難入中及訪問若不畱一二分穀

則易損壞況本倉已羅米復用人功攪拌今若止羅八

分細米經年退去穀殼已是九分以上緩急支用不須

春變不惟省官錢羅數多兼可經久詔措置羅便司相

度已而羅便司奏檢會羅法除年計合收羅九分已上

白米外其封樁白米止要及八分以上與公著今所奏

事理不殊當依已降朝旨施行從之詔借軍須錢五

萬緡於陝西轉運司支闕食漢蕃弓箭手賜涇原路

經略司度僧牒千為常平錢禮部言已給過所立年額

詔特給之熙河蘭會路經略安撫制置使司言本路

諸將各闕馬昨被旨令提舉陝西買馬監牧司選馬五

千匹均填本路將下禁兵民兵闕數然今方撥得一千

九百餘匹欲乞止令支馬價付五將樁管令自依買馬

司所定格尺價直選買其所買即充買馬司年額之數

從之八月熙河蘭會路經略安撫制置司言本路諸將

一千九百其未給者請以馬價付五將依格自市以

上批京都所造軍器動以萬計雖廣求制樣尙恐未殫

眾善或不適用徒費工力聞郵延路經略使劉昌祚屢

諳戰鬪精於騎射而畱心兵仗所用多窮理要委走馬

承受霍丙諭昌祚令具所習用兵步戰器并日擊士卒

御賊可用利械入遞進呈九月十五日賜昌祚軍器本志誤以郵延為涇原今從實

錄 詔南郊式有皇帝稱臣遣使所遣官不稱臣自今

依舊稱臣舊儀皇帝稱臣遣官亦稱臣熙甯五年沈括

上南郊式以為被遣官亦稱臣不應禮改之至是復舊

刑部乞應吏部補授大理寺左斷刑官先與刑部大

理寺長貳雜議可否則然後注擬仍取經試得循資以上

人充正闕以丞補丞闕以評事補詔刑部吏部同立法

著為令其後著令司直評事闕選尚書及侍郎左選人

丞闕止選尚書左選人仍經任司直或評事係親民資

任者以上二件其初改官應入知縣人亦選正闕丞或

司直評事見係通判以上資任者以上所選仍不限見

任授訖未赴即曾失入徒已上罪已決或死罪若私罪

情重者贓罪或停替後未成任各毋得入選 都水使

者范子淵言導洛通汴將及五年昨興役之初大河北

徙距清汴遠列為隄埽以障游波臣今相視水勢大河

有可徙之理及上塞河兵夫物料數詔子淵詳度從南

岸新進鋸牙約水勢入新河具合行事以聞已而子淵

奏於武濟山麓至河岸并嫩灘上修隄及壓埽隄并新

河南岸築新隄計役其六千人限二百日成開展直河

長六十三里廣一百尺深一丈役其四萬七十人有奇

限三十日成合費梢草竹索為錢一十七萬緡有奇並

從之 詔自今強盜應捕者諸路下提點刑獄司開封

府界下提舉賊盜巡檢公事司更不下他司

辛丑戶部言在京賣買鹽鈔場買鈔本錢支盡乞借末

鹽錢二十萬緡買客鈔從之依元豐四年三月十八日
詔買鈔候價平奏取指揮事會要九月二十八日
實錄無之當考

續資治通鑑長編卷三百三十八終

